



17

26

22

10/18

et ubi dicitur: "et ubi dicitur"

his verbis? cum dicitur: "et ubi dicitur"

ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

1. H. H. H. H. H.

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"

2. H. H. H. H. H.

et ubi dicitur? ubi dicitur: "et ubi dicitur"

et ubi dicitur? ubi dicitur: "et ubi dicitur"



# EMBLEMATA IOSEPHINA

cum Eulogijs Operâ

R. P. D. CAROLI STENGELII,

Abbatis Anhusani.



*Liber Generationis Iesu xpi. Matthæi. I.*

Augustæ Vindelicorum, Typis Veronicæ  
Apergerin, viduæ. 1658.

**C**Vm hæc emblemata S. IOSEPHI cum eu-  
logijs à Theologis lecta, & quòd nec bonis  
moribus, nec fidei Catholicæ aduersentur censa  
fuerint vt in lucem publicam prodeant, concedi-  
mus. Augustæ 27. Oct. 1658.

GASPAR Episcopus Adramy-  
tenus Vicarius generalis.



# DEDICATIO.

## SANCTISSIMO DEIPARÆ VIRGINIS SPONSO, CHRISTIQUE DOMINI PV- TATIVO PATRI AC VERO NVTRITIO IOSEPHO,

F. CAROLVS STENGELIVS  
Abbas Anhufanus. DD.

**E**MA latissimi nominis tui, & Principatus, in quo  
DEVS constituit te, in vniuersos fines terra perlata est,  
eò quòd ille, cuius sonus in omnem terram exiuit, Cu-  
stodis quoq. sui nomen produxit à Solis ortu vsq. ad  
occasum; ut ab omnibus cordibus laudareris, & populi  
omnes coram te genua flecterent, non metu potentie,  
sed tenerrimi cordis tui amore purissimo. Sic quippe honorabitur, quem-  
cumq. Rex æternus voluerit honorare.

Delaturus ergò tibi, vigilantissime Custos thesaurorum DEI, ho-  
morem & amorem quem purpura ardentissime charitatis tue suo iure  
deposcit; Ego parum felix habitator terræ Chanaan, ubi exquisitores  
diuitiarum huius seculi premuntur inopiâ panis, quem offeruas, ma-  
gnopere inensus supplex per litteras te veneraturus accedo & mitto  
tibi epistolam hanc vultus tui iucundissimi desiderijs plenam, & fati-  
gati cordis mei secretariam. Credo enim te misericordiâ pręnantis  
Sponsę tue mores didicisse; ut sicut illa mater, ita tu sis pater misericor-  
diæ fidelissima, quam requirunt, & expectant diligentes te. E captiui-  
tate igitur meâ, innumeris gemitibus, quos producit egestas, clamo ad  
te, O potentissime, qui sedes cum Principibus, & solium glorię tenes ut  
ex magnitudine amoris, quo tuum cor in fornace decore nimis Sponsę

tua liquefactum est, eisdem oculis, quibus illa intuetur afflictos, aspicias  
 me, & feras patienter, mollia valde prae cordia tua clamoribus meis ela-  
 tis commoueri. Hanc enim spem reposui in sinu meo: me tria corda su-  
 per omnem opulentiam, voluptatem, & honorem amabilia ad meum  
 desiderium flectere posse, si te semel sincero affectu cordi meo conciliaue-  
 ro. Suauissima enim simulq; fortissima dilectionis catenâ Sponsa tua  
 speciosissima, ac Filio eius supra caelos splendidissimo anima tua colliga-  
 ta est, & ex tribus factum est cor unum, & anima una; ut necesse sit,  
 qui furatur te, spontaneâ amoris rapinâ, tria sole pulchriora, niue can-  
 didiora, & rubicundiora ebore antiquo simul corda furari. Hoc uno  
 potissimum trahor desiderio, ut recte mihi dictum videatur, quod sa-  
 pienter etiam huius seculi licet minus sapienter crediderunt (Tria sunt  
 omnia) omnia etiam bona honesta, utilia & delectabilia tribus his cor-  
 dibus inclusa contempler; & quantâ arte illa mihi mutuo dari possint, co-  
 nor meditari. Pacem quero, & in omnibus requiem quasiui, hostes enim  
 mei persequuntur me. Propter quod rogo te, offer tranquillitatem solli-  
 cito cordi meo, & amabo te. Sed quæ est pax mea? Quæ est tranquillitas  
 mea, nisi serenissimus, & pulcherrimus, & dulcissimus filius Sponsæ  
 tuæ, cui jam dudum consecraui prae cordia mea? Sed & Mater eius  
 splendidissima, & super omnes creaturas speciosissima requies mea est?  
 cui voui viscera mea. Non enim filium sine Matre requisui. Non erat  
 quippe mihi tam bonum, hominem esse solum, quàm cum adiuto-  
 rio simili sibi. Hæc est portio mea. Hæc est felicitas mea. Hæc est re-  
 quies, tranquillitas, & pax amabilissima cordis mei. Sed hinc ducit ori-  
 ginem labor meus, quod cum hæc societas sit omne refrigerium animæ  
 meæ, careo omni refrigerio, quia longè dislo ab eâ societate. Propter hoc  
 hostes mei facti sunt in capite, & inimici mei locupletati sunt. Ac ita  
 egressus est ab animâ meâ omnis decor eius: recordatur Hierusalem die-  
 rum afflictionis suæ, & prauaricationis omnium desiderabilium suo-  
 rum, quæ habuit à diebus antiquis


Offer igitur. dilecte valde affectu dejectæ animæ meæ, offer filio  
 ac Matri, apud quos gratiâ vales, hæc importuna desideria, & suspiria  
 mea



*mea. Porridge meo nomine tot supplices libellos, quot gemitus emitto, si forte Rex & Regina Hierusalem donent mihi iura Ciuitatis sanctæ, & exilium ciuitate permutent. Et propter domum Domini DEInostri, ad quam admittar, exultabit cerè spiritus meus in DEO saluari meo. Et ex hoc die cor, & caro mea requiescent in spe, & pro dulcissimâ misericordiâ, quam exspecto, animam meam non imagine pictam, sed eandem, quâ uiuo, catenis dilectionis appensam ex voto suspendam è portis Sion, ad quam suspiro, propter infinitam Regis ac Regina pulchritudinem. Ut verò tu, O tutissimum asylum meum, ac fidelissime expeditor negotiorum salutis meæ sis mihi propitius, & patiaris me in abscondito viscera tuarum habitare, ita ut claudat à foris ostium Dominus, ne tempestas demergat me, ineamus fadus dilectionis, quam cupiunt præcordia mea. Dilige me, oro te, & gere curam mei, ut solet Mater curam gerere filioli quem suis lactat uberibus. Solare me dejectum, & visita me? Trado tibi clauis cordis mei, ut pro libito ingrediaris. Sed precor, ne differas tempus. Ingredere citò, & obseruabo ego ingressum tuum, ut tecum moreris in æternum. Tunc excitabitur cor meum, & resurget à tenebris, & umbrâ mortis; & latabitur propinquitate, ac tactu Nutricij sui. Quin etiam & caro humiliata reuiuifcet, & exultabit, & iubilabit in neomenia sua, in insigni scilicet die solennitatis sue: more populi, qui ludebat in organis carminum Domini, quæ fecit David Rex, ad laudandum Dominum. quoniam bonus, quoniâ in sæculum misericordia, & super me! dulcissima dilectio eius. Hac bona parice mihi, quam posco atq; reposco visitatio mea. O super niuem candidissime, & amore facundissime. Ut ergo me visites, sapius precor dilige me. & ego ex pacto subijcio tibi animâ, & corpus meum, potentias, & sensus omnes meos, cogitationes, verba, & opera mea, quibus imprimatur character IOSEPH, & imago perfectissima. & contra fascinationes potentissima, dilectissimi Tutoris & amici mei. Sic quocumq; jero, tuus ero, & notatus signo amoris tui, signo inquam suauissima libertatis, ex toto corde meo tibi seruiam, & curam geram dilectionis tuæ. Et ne sim auctor diuisionis, quam non amat domus tua, tria corda velut unum*

colam, & amabo, & inuestigabo omnibus dictus vita mea, cor videlicet tuum strictissime vnitum cordi Sponsa tua, ac Filij eius electissimi, & quoties respirabo, toties trino cordi me cum cogitationibus, verbis, & operibus meis deuouebo. Sic statuo fadus hoc salutare nimis, & pactum firmo sine fine: in cuius rei testimonium opusculum hoc eulogia tua complectens tibi ex voto humillimè ac deuotissimè offero, dedico, ac consecro.

Quia verò scriptio finem habet, & dilectio non habet finem, quæ generat desideria tanquàm scintillas ab igne disultantes sine fine, Epistola huic, quæ pro corde meo legatione fungitur, finem lassus inpono. At, ut spero, amor, & desiderium tui, O dulcissime IOSEPH, iucundissima lux osulorum meorum, & amabilissimum solatium meum non habebunt finem. Quaram enim te per noctes atq; dies solus, & in comitatu requiram te. Non cessabunt à suspirijs ossa mea, donec absoluto mortalitatis cursu videam te. Sic inter suspiria cesso, ut collectus ad interiora viribus, suauissimi IOSEPH desideria felicius crescant in silentio. Ex hac lacrymarum valle peregrinationis meæ. Anno LXXVIII.




# EMBLEMA I.


## S. IOSEPH VIR MARIÆ.



Conjugium Sponsi sterile est, facunda Maritæ  
 Virginitas, casto nonviolata toro.  
 Debuit è cælo proles nasci; peti; ,  
 Nam nil terreni Conjugium hoc habuit.

CAPVT





## C A P V T I.

### S. IOSEPH Patria, Genealogia, & Cognati.

#### I.



Nuenimus in scripturâ sacrâ quatuor insignes viros nomine IOSEPH appellatos, videlicet filium Patriarchæ Iacob à castitate & sapientiâ illustrem, qui CHRISTVM Dominum in multis præfiguravit, Virginis DEIPARÆ Sponsum, qui CHRISTVM Dominum in mortali hac vitâ protexit ac sustentavit; nobilem illum Decurionem ab Arimathiâ, qui CHRISTO mortuo in eius sepulturâ ministravit, quiq; tantâ animi fortitudine præditus fuit, ut nihil diffidens ad Pilatum ingressus sit, & corpus IESV petierit, in sepulchroq; suo nouo publicè ac honorificè sepelierit, attestante B. Marco: *Venit, inquit, IOSEPH ab Arimathiâ nobilis Decurio, qui & ipse erat expectans regnum DEI, & audacter introiit ad Pilatum, & petijt corpus IESV, &c.*

Ac denique Discipulum illum à justitiâ conspicuum, quem cum S. Matthiâ in conspectu Domini statuerunt Apostoli ad sortiendum Iudæ Apostolatam. Quas quidem virtutes omnes, siue antiqui Patriarchæ castitatem & sapientiam, siue nobilis decurionis fidem & fortitudinem, siue IOSEPH Barsabæ justitiam, in Virginis Sponso eminenter colluxisse quis ignorare possit? Cùm à castitate ac sapientiâ, & à fide & fortitudine & à justitiâ omni modaq; probitate nullam non laudem, ut passim in Euangelio liquet, promeritus sit? Conferri quidem hîc etiam possent IOSEPH frater Simonis & Iudæ, & IOSEPH cognomento Barsabæ. Verùm uterq; ille non IOSEPH, sed Iosus, in textu Græco vocatur, vnde & minus probabiliter prior ille frater seu cognatus CHRISTI cum hoc IOSEPH Barsabâ confunditur, cùm insuper si ijdem essent, B. Lucas, qui duplici nomine & vno cognomine hunc honorat, istum fratris Domini titulum non omisisset.

II. Patria S. IOSEPHI Nazareth, quod per litteram hebraicam *Zain* scriptum sanctitatem siue sanctum significare non dubitatur: sanctitatem autem IOSEPHI quis nesciat? Atq; in hac significatione celebrabatur olim apud Iudæos secta Nazaræorum, de quorum vno legitur: *Quia Nazaræus DEI erit puer iste ab utero.* Ac potuit quidem puer iste ab utero Nazaræus Saluatoris perpetuam sanctitatem præfigurasse, sicut & in alijs multis figuram eius gessisse agnoscitur. Verumtamen cum & in titulo salutiferæ Crucis, qui Romæ asseruatur, & in veterum Hebræorum commentarijs non per litteram *Zain*, sed per litteram *Tsade* cognomen illud Saluatoris scribatur: satis inde constat à communi illo Nazaræorum nomine diuersum esse neq; sanctum vt illud, sed florem significare; vnde liquet Ciuitatem Nazareth non à sanctitate, sed à flore nomen istud gessisse. Sed quomodo si à flore ciuitatula illa non modò non floret, sed adeò ignobilis esset, vt ab eà nihil boni expectaretur? *A Nazareth enim* rogabat Nathanael, *potest aliquid boni esse?* Verùm en tibi tandem præstantissimi in eà tres flores IESVS, MARIA, IOSEPH, non casu, sed diuinâ providentiâ in Ciuitate illâ Nazareth, præordinati flores bonorum omnium, flores virtutum suarum odoriferâ suauitate orbem vniuersum delectantes.

III. IOSEPH Pater fuit Iacob à Dauide per Salomonem descendens, secundum Matthæum, D. Lucas verò dicit IOSEPH fuisse Heli. Antiquorum communis responsio est Iacob & Heli fuisse fratres vternos ex eadem Matre, sed non ex eodem Patre natos: hinc D. Ambrosius censuit eum filium naturalem Heli, legalem verò Iacobi. Sed contra fuisse filium naturalem Iacobi asserunt ceteri. Verum communior sententia nunc est, Heli apud Lucam fuisse Socerum beati IOSEPH, ipsum scilicet B. Virginis Patrem Ioachim, & IOSEPH eius dici tanquam generum soceri sui. Addunt proinde sententiæ huius assertores B. Lucam tradidisse naturalem genealogiam Virginis & CHRISTI, legalem verò IOSEPHI: Matthæum autem naturalem IOSEPHI, legalem verò CHRISTI: Cum enim CHRISTI genealogia per lineam paternam à Matthæo descripta esset: Voluit Lucas quò plenius omniq; modò CHRISTVM & Virginem ad genus David pertinere monstraret eandem genealogiam per lineam maternam, siue per progenitores B. Annæ describere: ita nimirum vt verisimile

fit, Mathan IOSEPH & MARIE auum communem fuisse: Iacob autem IOSEPHI Patrem, & Ioachim Patrem Virginis fratres germanos ex eodem Patre Mathan, vt proinde genealogia vnus, consueatur genealogia alterius, nisi quod ex Ioachim per eius filiam Virginem, non autem ex Iacob & IOSEPH natus sit CHRISTVS.

I V. Porro qui in Euangelio Frātres Domini vocantur, non fuisse IOSEPH filij ex priore aliquā vxore, vt ex deliramentis apocryphorum somniabant nonnulli, sed consobrini Saluatoris, Mariæ liberi Materteræ Domini, quæ esse dicitur Mater Iacobi minoris & Ioseph & Iudæ. Aduertunt siquidem interpretes, Cleopham, aliter Alphæum dictum, fuisse fratrem B. IOSEPH. Et consequenter Mariam Cleophæ vxorem, quæ alibi, vocatur Maria Iacobi, minoris scilicet Mater, fuisse sororem B. Virginis per affinitatem matrimonialem, atq; adeo quatuor filios Cleophæ Iacobum, Iosephum, Simonem & Iudam vocari fratres, seu cognatos CHRISTI, quia erant filij fratris IOSEPH, qui æstimabatur Pater CHRISTI, quiq; etsi non carne, conjugij tamen copulatione, vt Augustinus loquitur, CHRISTI pater erat.

## C A P V T II.

## S. IOSEPHVM fabrum lignarium fuisse.

## I.

**I**OSEPHVM fabrum fuisse, ex Euangelio constat: *Nonne hic est fabri filius* dicebant de D. IESV. Vbi principio supponendum est: illum non ferrarium aut camentarium, vt graues etiam aliqui auctores opinati sunt, sed lignarium fabrum fuisse: Neq; alia vlla æquē congruenter accommodē, in quā CHRISVS Dominus pro assumptā suā filiali subiectione & exemplificatione ei collaboraret ac ministraret, quàm ars lignaria. Vnde & antiquissima communiq; Ecclesiæ consensu, recepta consuetudo eum ferram manu tenentem, aut ligneas tabulas tractantem depingere solet; & historia orientalis apud Gratianum, & D. Thomam cum communiore sententiā fabrum lignarium fuisse tradunt.

II. Mirandum quidem supra modum est, D. Saluatorem nostrum fabri filium esse voluisse, vt & fabrilem cum legali patre suo artem ipse exerceret, & ad diuinitatis suæ gloriam à patre suo æterno acceptam,

& ad Regis Regum, & Domini Dominantium super excelsos titulos, ferram & securim ut nutritij in terris patris sui artis insignia velut apponere, atq; apposita nobis ostentare gestiret. Nimirum egebat **CHRISTVS** Dominus pro nobis pauper factus, egebat & Mater eius Virgo paupercula prouido in terris nutritio; Nec patrem opulentum contra paupertatis professionem & exemplum, sed laboriosum ac industrium volebat Saluator, qui & Virgini eiusq; diuinæ proli in itinere stabuloq; Bethlehemitico, & in Ægyptum fugientibus ibiq; commorantibus & inde regressis suâ arte commodaret, atq; de victu ac tegumento ubiq; locorum prouideret. Ad quæ quidem omnia hanc eius fabrilem eius lignariam artem maximè conuenisse, jam paulò ante ostendimus.

III. Hinc cum satis constet **CHRISTVM** Dominum, beatamq; Virginem, **B. IOSEPH** ministerio laboreq; vsq; ad **CHRISTI** prædicationem eguisse, ac tum aliam viuendi rationem, circa paupertatem præcipuè, **CHRISTVM** instituisse, quando & apertius manifestare capit, se non esse filium **IOSEPH**, sed verè Deum ac hominem redemptorem nostrum, non ex viro, sed de solâ Virgine, Spiritus sancti gratiâ obumbrante, conceptum ac natum; probabile euadit multoq; verosimilius est, **B. IOSEPH** non statim post Annum **CHRISTI** duodecimum, aut demùm post eius passionem: sed inter baptismum **CHRISTI** & nuptias in Cana Galilææ feliciter in Domino obiisse, cum etiam nec in nuptijs, nec in historiâ passionis, aut postea vsquam eius mentio fiat.

### C A P V T III.

**S. IOSEPHO B. V. MARIA** desponsatur:  
Item de Annulo eiusdem.

#### I.

**S**acerdotes illi Domini, qui puellarum **DEO** obfatarum curam habebant, cum diuinæ Virgini **MARIÆ** decimum quartum Annum ætatis jam ingressæ, è templo excedendum esset, hanc Virginem **IOSEPHO**, cuius virtutes ac merita nouerant, non casu, aut temerè sed communi consilio, diuinâq; maximè operante prouidentia, tradiderunt. Quanta namq; quamq; singularia atq; eminentia virtutum



in eo conspectam, probeq; cognita fuisse oportet speciemina, vt ad selectissimæ huius Virginis DEI Matris futuræ augustissimum conjugium, vnus ipse præ cæteris omnibus, Sacerdotum communi consilio, Deiq; ipsius infallibili iudicio deligeretur.

II. Atq; vt non temerè dicta ista videantur; ita de his inter Græcos Theologos admodùm conspicuus Gregorius Nyssenus: *Cum, inquit, puella creuisset, & adulta esset, Sacerdotes de eâ cogitare, ne quid de sacro illo corpore statuentes in Deum peccarent, ceperunt. Nam subjugare eam legi natura, aut addicere quasi seruam, si quis eam in matrimonium duceret, res absurdissima, minimeq; decora videbatur. Sacrilegium enim estimabatur si homo ius ac potestatem in donarium quod Deo consecratum ac dedicatum esset, haberet, quoniam legibus sancitum ac constitutum est, vt vir potestatem habeat in uxorem. Vt autem intrâ templum vnâ cum Sacerdotibus mulier versaretur & in Sanctis, neq; consultum neq; vsitatum erat, & simul grauitas, & honestas rei non aderat. Deliberantibus ergo eis super hac re, diuinitus incidit consilium, vt darent eam cuidam viro nomine desponsationis, is autem ad custodiendam virginatatem eius esset idoneus. Inuentus est igitur IOSEPH talis, qualem ratio consilij requirebat, ex eadem cum Virgine familiâ & tribu, &c. Hæc Nyssenus.*

III. De ætate BB. IOSEPH & Virginis Deiparæ cùm desponsati fuerunt non planè consentiunt scriptores; quanquam de ætate Virginis minor inter eos est discrepantia; quippè de quâ ferè omnes propè consentiunt, nisi quòd Albertus Magnus apud Dionysium Carthusianum viginti quinq; annos vt minimum ei tribuit, & Cardinalis Caietanus ei subscribens, vt minimum nouendecim aut etiam viginti quatuor, ita post Albertum ratiocinans: *Ætas nubilis exigit saltem completum motum augmenti, quia naturalis ordo habet, vt prius perficiatur persona, quàm detur opera ad conseruandam speciem, & dico saltem,* inquit, quia ratio suadet, quòd natura exigit plus ætatis, videlicet vsquequo firmata sint ossa, ad quod quartum septennium dicitur requiri in viris, quo circa ait, certum est B. Virginem fuisse tunc ad minus annorum decem & nouem, si mulieris tertio senario annorum completur augmentum, & rationabile est vt fuerit tunc annorum viginti quatuor, vt perfecta etiam secundùm ossa mulier perfecta Mater perfectum gigneret filium. Ita auctores illi. Verùm quatuordecim aut quindecim annorum ætatem mysterio Incarnationis

peragendo suffecisse, neq; Sacerdotes Domini, diuinâ disponente providentiâ Virginis conjugium vltra distulisse, vt communius, ita probabilius alij tradunt.

IV. Circa ætatem verò B. Ioseph. longè maior notatur opinio-  
num diuersitas, dum alij senem, alij iuuenem, alij mediæ ætatis eum  
fuisse putauerunt. Quia si senex fuisset, quomodo ad fugam in Ægy-  
ptum, aliosq; pro CHRISTO & Virgine saluandis & sustentandis  
labores subeundos & superandos idoneus fuisset? Quòd verò formâ  
senili eum pingendi orta olim consuetudo fuerit, ex falsâ istâ atq; ex  
Apocryphis tantùm scriptis desumptâ opinione senex ab antiquis di-  
ceretur, quasi viduus fuerit, & liberos ex priore conjugio habuerit,  
qui postea Fratres Domini dicti sint. Sed jam dudum explosa est illa  
opinio.

V. Notat Baronius annuli vsum in omni passione loco arrhæ  
non modò apud gentiles, sed etiam apud veri DEI cultores antiquissi-  
mum esse. Ex eiusmodi igitur fluxisse videtur, vt cum spondetur  
nuptiæ sponsus loco arrhæ sponsæ det anulum. Affinis est huic ce-  
rimonix altera junctionis dexterarum. Porro CHRISTI nomine dua-  
bus P. & X. commixtis litteris fidelium annulos insigniri antiquitus  
solitos docent annuli, qui interdum videntur ex ruderibus effossi:  
Item signo Crucis, vt constat de annulo S. Macrinæ in eius vitâ apud  
Gregorium Nyssenum, & sanctorum aliquorum imagine, vt de An-  
tiochenis in oratione de laudibus S. Meletij tradit S. Chrysost.

VI. In Monasterio Aquicinctino Ord. S. Benedicti in Belgio in-  
ter Duacum & Valencenas annulus vnus nomine sponsalis annuli B.  
Virginis asseruatur quem tamen attentâ eius magnitudine ac reliquâ  
formâ difficulter B. Virginis anulum crederes: cum & duo eius no-  
minis Annuli memorentur, vnus Perusij in templo vrbs summo in  
Italiâ, & alter in Semimurenfi Prioratu in Burgundiâ. Est autem hic  
non ex cupro deaurato, vt aliqui annotarunt; sed iuxta plurium auri-  
ficum eiusdemq; Monasterij religiosorum testimonium ex auro puro  
sed sub pallido. Neq; palæ eius effigies certò dignoscitur, quam & gem-  
mæ illi innatum ac naturalem quidam existimant, quamquam & aliqui  
non ab initio annulo isti intuisse, sed post inditam esse, credere malint.  
Cum itaque tres annuli B. Virginis præfatis tribus locis iidemq; mira-  
culosi omnes memorentur, nihil repugnans habere potest cum esse  
possit,

possit, vt plures B. Virgo annulos habuerit, vnumq; fortè & alterum ex Matre suâ S. Anna, cuius filia erat vnica piè asseruatos.

## C A P V T IV.

## S. IOSEPH perplexitas.


## I.

**T**emporis tandem adueniente plenitudine concipit Virgo de Spiritu sancto, & eius ex tunc in matris utero adhuc latentis tutelam auspicatur B. I O S E P H. Cùm verò Virginem prægnantem videret, & eius non ex se conceptionis indicium manifesta aduerteret, nec de hoc mysterio diuinitus adhuc informatus esset, *voluit occultè dimittere eam*. Siquidem nullo euidenti aut probabili indicio adulteram eam cognoscebat, maximè cum & sanctitatem eius eximiam compertam haberet, vt & superno aliquo munere eam non indignam sciret, & eius insuper in tuendo pudori famaq; conseruandæ à Deo se deputatum nosset; iudicium suum in tantæ perplexitatis momento captiuans totum negotium diuinæ maluit prouidentię committere. Videbat enim pariterq; mirabatur cælestem integram eius sanctimoniam, eamq; intrepidâ semper confidente conscientia comparentem, nulliq; apparentis conceptus occultamento vel materialis conspectus subterfugio pudentem; neq; utiq; in Virgine Deo plenâ luminis interni scintillæ internæq; sanctitatis solita species notari desierat; in quâ quidem eam aliquando videas Dionysius Arcopagita, Deam aliquam, nisi fides obstinisset, prociamasset. Et amplius inde confirmatus præ humilitatis probitatisq; suæ magnitudine summæ sanctitatis Virginis de adulterio expostulationem vel interpellationem facere meritò refugiebat.

II. Cæterùm cur interim dilectissimo Sponso suo in tantâ perplexitatis anxietate æstanti mysterium Virgo pijsima non aperit? aut cur eam ipse ex maritalis officij ratione non interpellat? Non vult nimirum Virgo humillima pariterq; sapientissima se ipsam DEI Matrem ne Sponso quidem suo, vt nec Elisabeth cognatæ suæ clarificare, maualtq; per ipsum mysterij auctorem tempore, modoq; ei cognito declarationem eius, cui certius, quam sibi credatur, expectare, quanquam & continuis eam in hanc ipsam Sponsi sui instructionem & consolationem precibus apud Deum incubuisse dubium esse non possit.

III. Hinc

III. Hinc superexcellsa continuò, completæ eius in omni virtute iustitiæ congrua præmia, diuinâq; solatia: Vt angelicâ apparitione mox fruatur ac honoretur, vt filius Davidis ab Angelo nominetur, vt de Incarnationis filij Dei toto mysterio instruat; vt Deipara Virgo Angelorum hominumq; Regina interius ei commendetur: ac deniq; vt augustissimum diuinissimumq; nomen IESV ei reueletur, suoq; tempore imponendum committatur. Sic enim, *IOSEPH Fili David* ( inquit apparens Angelus ) *noli timere accipere MARIAM conjugem tuam: quod enim in illâ natum est, de Spiritu sancto est. Pariet autem filium, & vocabis nomen eius IESVM: ipse enim saluum faciet populum suum à peccatis eorum.* Quid his alloquijs, solatijs, & præmijs suauis, augustis, mirabilis? Cui enim Patriarcharum, Prophetarum, Apostolorum, aut Angelorum etiam, talia vnquam dicta, vel commissa sunt?



# EMBLEMA II.

## S. IOSEPH PATER CHRISTI.



Subditur ergo infans homini Deus, atq; veretur  
Nomen & imperium Conditor ipse Patris ?  
Tam grandes titulos meritò, Iosephe, tulisti,  
Virgineo renuìs quòd Pater esse toro.

C

CAPVT

Q

12. 112.787.1. -

Qui S. IOSEPH habet fauentem, habet cum  
eo CHRISTVM & Virginem.

## I.

**A**ccedit ad B. IOSEPH honorem particularem, quòd et si conjugem suam vt Deiparam terræ coeliq; Reginam honoraret; ipsa tamen vicissim non ex liberâ dumtaxat voluntate, sed ex legis etiam conjugalis necessitate eum sibi, præferret eiq; iuxta conjugalis Ordinis exigentiam subditam se præberet. Quem proinde non modo ipsa sibi de illo loquens præponebat: sed sacri etiam Euangelistæ, ei prænominare solent, vt ibidem legitur: *Erant Pater eius & Mater mirantes super his, quæ dicebantur de illo.*

II. Neq; respondeas Virginem paulò ante ei prænominatam, cum de Iudææ pastoribus dicitur: *Venerunt festinantes, & inuenerunt MARIAM & IOSEPH & infantem positum in Praesepio*: Quandoquidem & hîc CHRISTO vicinior positus sit, adeoq; dignitatis maritalis ordine inter MARIAM & CHRISTVM MARIE prænominatus. Atq; vbi quidem melius, vbi dignius, vbi optabilius, quàm in medio IESV & MARIE esse aut nominari posset IOSEPH. Et si quidem, vt aiunt Philosophi, medium extrema per sui communicationem componunt, quæ non sanctissima, gratiosissima, suauissimaq; in B. IOSEPH, IESV & MARIE confluentia, gratiarumq; ac virtutum commixturâ; vt nihil nimirum, non Iesuinum, nihil non Marianum in MARIE sponso homines vel Angeli conspicerent, qui inter IESVM & MARIAM constitutus, non nisi ex diuinâ eorum conspirante gratiâ consistebat, itaque ipsis conformis erat, vt trium vita vniformis vnaq; potius videretur. Ac in medio quidem positus, quò se verteret B. IOSEPH, vt vel ad Matrem pietissimam, vel ad Filium benignissimum matrisq; amantissimum respiceret, nisi tamen quòd non ipse, vt alij laborare tantoperè in hac perplexitate debebat, qui vtrumq; & Matrem conjugis, & Filium, Patris titulo iureque legitimo suum habebat. Habebat vtrumq; per gratiarum eorum, cõiunctionem in se expressum, habebat vtrumq; per diuinorum eorum apud se depositum, habebat vtrumq; ad mutum conjugalem, & paternum, imò & vtrumque habebat ex conjugali

filialique reuerentiâ sibi subditum. Adeo vt si quidem IOSEPH ex condignâ eius clientelâ habueris, vtrumque sine dubio matrem & filium cum eo habiturus sis. Quò enim siue in Ierusalem, siue in Nazareth siue alio non ascendit, vel descendit B. IOSEPH, quò cum eo non ascendant IESVS & MARIA?

III. Ascendit Saluator duodennis cum parentibus suis Ierosolymam referente B. Lucâ, vt si in viâ ad cælum IOSEPH & MARIAM comites habueris, habiturus sis haud dubiè & IESVM conductorem, pariterq; susceptorem. Descendit inde IESVS cum eis, & venit Nazareth, & erat subditus illis, vt si IOSEPH & MARIAM patronos de cælo inuocaueris, ad te pariter cum eis IESVS descensurus sit.

IV. Accepit puerum & Matrem eius IOSEPH & secessit in Ægyptum. Et si tu quoq; in ignorantie peccatorumq; Ægypto versaris, B. IOSEPH protinus aduoca, & per eius patrocinium descendet super te lucis æternæ irradiatio exoptata, fias lux in Domino. *Ascendit IOSEPH à Galilæâ de ciuitate Nazareth in Iudæam in ciuitatem David, qua vocatur Bethleem, eò quòd esset de domo & familiâ David: vt profiteretur cum MARIA desponsatâ sibi uxore pregnante.* Et ne dubites, quin si in hoc transmigrationis loco B. IOSEPH per veram eius imitationem, deuotamq; inuocationem secutus fueris, in domum plenæ satietatis ad Ecclesiam primitiuorum conscripam in cælis, feliciter sis peruenturus; vbi & in consortio IOSEPH & Mariæ, sanctorumq; omnium tibi velut parietur IESVS in diuinitatis suæ claritate conspiciendus. Prægnans enim est etiamnum DEIPARA Virgo vt IESVM tibi cælum sic pariat materno desiderio: & IOSEPH ad puerperij istius gloriam te conducendi affectu plenus officiosissimo, vt & proinde citi laudabilis plurimum IOSEPH alter fuerit, quòd patris sui familiam ad opulentie gloriæq; suæ in Ægypti regno communionem studiosè expecterit conuitarit, præmissisq; de bonis terræ munusculis allexerit; nostri tamen Virginis Sponsi IOSEPH figura tantum adumbratioq; in officiosâ illâ sollicitudine extiterit.

V. Ave proinde dicimus tibi IOSEPH cælorum depositarie; Virginis DEIPARÆ supra virgines omnes Sponse castissime, Saluatoris pater, protector ac nutritie studiosissime, mysteriorum DEI assessor dignissime, testisq; fidelissime, in gloriæ CHRISTI defensione Archangele zelosissime, Luciferq; noster sanctissime, Saluatoris immò  
 Angele,



Angele, præter quem alius nullus, custos amantissime & officiosissime, Ecclesiæ CHRISTI in eius honore & amore sacrorumq; observatione ac veneratione Coriphæ spectatissime, continentium conjugum, virginumq; sol lucidissime, sanctorum contemplatiuorum actiuorumq; antesignane, flos virorum, atq; inter viros benedictæ, fili David primogenite gloriosissime, Saluatoris in Dauidicâ regiâ stirpe consanguineæ nobilissime, sanctorum Patriarcharum vertex celsissime, Apostolorum antecessor exemplarissime, Patriarchalium virtutum honor locupletissime, Prælatorum Ecclesiæ CHRISTI dux præclarissime, fidei lux, spei splendor, charitatis DEI & proximi iubar, iustitiæ speculum, constantiæ ac fortitudinis exemplum, obedientiæ ac humilitatis sanctæq; deuotionis cum DEIPARA conjuge prototype, pietatisq; ac beneuolentiæ erga Saluatorem eiusq; pios cultores specimen eximium.

## C A P V T VI.

B. IOSEPH cum CHRISTO & Virgine in  
Ægyptum Exilium.

## I.

**S**peciali consideratione dignissimum est, B. IOSEPH cum CHRISTO & Virgine in Ægyptum exilium, ut & cuius, quanti; temporis atq; itineris illud fuerit, paulò ampliùs recogitemus. Si enim exilium fuit in Christo, pro Christo, & cum Christo, quid in eo per magnâ deuotione recolendum non veniat? Cùm & Angeli ipsi eius spectatores, comites atq; admiratores extiterint. *Quod enim à parentibus sublatum est in Ægyptum, inquit noster S. V. Beda, significat electos sapius malorum improbitate suis effugandos ex sedibus, vel etiam exilio damnandos: siquidem ipse qui suis erat præceptorum. Cùm vos persecuti fuerint in vram Cinitatem, effugite in aliam, primus fecit quod præcepit, fugiendum hominem quasi homo in terrâ, quem stella Magis paulò ante adorandum monstrauit in calo.*

II. Et ecce quidem ad eius quamuis pauperrimum, sed virtute sollemnem ingressum corruentia pro indicio conuersionis gentium, Ægypti simulacra teste Eusebio: Hi, inquit, qui prius incolebant Æ-

*gyptum pravi vitioſqꝫ, demones permulta ſecula in ſepulchris habitantes, animasqꝫ, Ægyptiorum omnis ſuperſtitionis errori addicentes ac ſubijcien- tes, cum ſenſiſſent nouam quandam diuinamqꝫ virtutem ad ſe acceſſiſſe, illico commoti ſunt, & fluctuationem ac perturbationem in ſemet iſtis per- tulerunt, corqꝫ, eorum & viſ intelligendi intrinſecus ab iſtis conuiſa ſunt, ceſſeruntqꝫ, & fugati ſunt ab eadem virtute, quæ vi effugere eos compellebat, & ignis inſtar ineffabili quadam ratione adducebat & tunc quidem inuiſi- biliter demones talia paſſi ſunt, cum Saluator noſter in Ægyptum cum viſi- bili corpore peruenit. Hæc ille. Ægyptiorum ſuperſtitio non quieuiſſet, inquit S. Athanaſius, niſi Dominus omnium in corpore quaſi in nube ve- ſtus eo deſcendiſſet, & idolorum errores compeſcuſſet.*

III. De arboris cuiuſdam inflexu tradit Sozomenus, & ex eo Nicephorus: Memorant arborem eſſe quæ Perſis dicitur, Hermopoli, quod eſt oppidum Thebaidis, cuius fructus aut folium, aut particula aliqua corticis ægrotis admota morbos à compluribus depulerit. Nam traditum eſt IOSEPH cum propter Herodem aſſumptis ſecum CHRISTO & MARIA ſanctâ Deiparâ fugiſſet, atqꝫ: veniſſet Hermopolim, ſimul vt portæ appropinquauit, ſtatim arborem licet planè maximam, aduentu CHRISTI curuatam eſſe, atqꝫ: ad ſolum vſqꝫ: ſe inflexiſſe, & CHRISTVM adoraiſſe, atqꝫ: hæc quidem de hac arbore, ſicut à multis audiui à me commemorata ſunt. Quæ quidem ſicut ego iudico, vel ſignificabant, jam CHRISTVM in vrbe adeſſe, vel vt eſt veriſimile, non modo arborem quam incolæ propter magni- tudinem & pulchritudinem lege gentilitiâ venerabantur, dæmone qui ibi colebatur, ob CHRISTVM talium rerum euerſorem, qui in eo loco comparebat, perhoreſcente ſuâ ſponte commotam eſſe. Verùm etiam omnes Ægyptiorum ſtatuas aduentante tum CHRISTO juxta pro- phetiam Iſaiæ concuſſas. Itaqꝫ: dæmone inde abacta arbor, quod rei ge- ſtæ teſtimonio eſſet, remaniſit ibi, fidelesqꝫ: morbis liberauit, atque vt Ægyptij, & Palæſtini iſtarum rerum, ſic alij ſinguli aliarum, quæ apud iſtos geſtæ ſunt, teſtes locupletes exiſtunt. Haſtenus Sozomenus.

IV. Conſequenter verò præmittendum eſt de loco, & nobili mo- numento habitationis CHRISTI in Ægypto, quod quidem, vt ibi- dem ait Baronius, traditione piorum cognitum, poſteris ab his, qui religionis ergò ad loca illa peregrinati ſunt, & inter alios à Burchardo, qui cæteris habetur fidelior, ſic deſcribitur: *Inter Helopolim & Babylo-*

*niam.*

*niam medio ferme loco est balsami hortus. Et post multa : Rigatur, inquit, hortus ille ex parvulo fonte, sed ubere ; in quo fama est B. Virginem IESVM parvulum pluries lavisse, panniculosq. eiusdem mundasse ; cum esset in Ægypto propter metum Herodis. Est & ibidem lapis super quem dicitur eos exsiccasse. Hæc omnia venerantur à Christianis & Saracenis. Verùm quia fons IESV parvulus est, non sufficiens irrigationi totius horti, Saraceni alium profundum foderunt puteum juxta illum, ex quo quatuor boves per rotam aquam extrahunt, sperantes ex vicinitate fontis IESV aquam alterius fontis fore virtuosam. At se deceptos animadvertentes construxerunt canalem, per quem transmittunt aquam illam in fontem IESV, ut sic ex eis junctis fecundaretur hortus. Nec illos fefellit opinio ; nunc enim sufficienter facundatur ex aquis sic junctis. Hæc & alia admiranda, inquit Baronius, quæ auctor oculis contemplatus est, refert ; cui & cæteri, qui eiusdem argumenti libros scripserant, adstipulantur : qui ut addunt, locum illum, in quo habitasse ferabatur S. DEIPARA, ab ipsis etiam Saracenis maguà veneratione haberi ; adeò ut ibi lampadem perpetuè ardentem in memoriam IESV illic olim habitantis conseruent, locumq. illum ab incolis Ægyptijs Matuream nominari tradunt. Sunt autem, inquit Baronius, & alia multa de his quæ tum in itinere, tum etiam cum manerent in Ægypto, contigisse dicuntur, quæ quoniam firmâ carènt auctoritate libentiùs, silentio præterimus. Accepta autem videntur ex Apocrypho illo de infantia Saluatoris inscripto libello, qui ab Ecclesiâ est interdictus.*

V. Porro ut ad ea quæ initio proposita sunt, progrediamur, Angelus fuit qui de puero & Matre accipiendis, & fugiendo in Ægyptum B. IOSEPH monuit ; isque haud dubiè pro muneris istius dignitate, è superioribus vnus, vel Angelorum Princeps Michaël, qui Principem Iosue olim confortavit ; vel mysterij incarnationis annunciator Gabriel : quinq. pro regis sui gloriâ cum Angelorum multitudine comitatum deinceps præbuit, per quem & de regressu ex Ægypto in terram Israël monitus fuit.

VI. Et quidem B. IOSEPH nocte secessisse ex Euangelistâ testimo-  
nium certum est : sed vtrum ipsâ nocte quâ in somnis Angelus ei apparuit, an aliquâ sequente non pariter est expressum. Verùm cum monitio Angelica dilationem nullam præ se ferret : sed instantet præciperet : I O S E P H surge & accipe Puerum & Matrem eius, & fuge in Ægyptum :

*gyptum*: Cumq; periculi summa grauitas consideranda veniret: quis non iudicauerit B. IOSEPH pro obedientia suæ promptitudine ipsâ horâ surrexisse, ipsaq; nocte, sine multi apparatus, qui non suppetebat, grauamine discessisse? *Qui consurgens accepit Puerum & Matrem eius nocte, & secessit in Ægyptum.*

VII. De viâ deinde quam sectatus sit B. IOSEPH, probabile videtur, cum recto itinere venisse Gazam, urbem in finibus adhuc Palestina constitutam, eamq; Philistinorum: vltimam Satrapiam; Gazâ autem Rhinocururam: Rhinocururâ autem Babylonem aut Heliopolim sex aut septem miliaribus Babylone ad latus distantem: Babylone autem aut Heliopoli Hermopolim juxta arboris inflexæ præallegatam historiam. Vnde tamen inter Babylonem & Heliopolim ad locum illum Matuream dictum reuersus fuerit.

VIII. Distat autem à Nazareth Gaza recto itinere secundum tabulas Ptolomæi quadraginta aut circiter miliaribus horarijs; secundum verù Adrichomium quadraginta quinq;: Gaza autem Rhinocururâ circiter septem. Rhinocururâ autem Babylon & Heliopolis sexaginta. Heliopoli autem Hermopolis juxta tabulas Ptolemaicas, circiter triginta septem. Vnde Hermopoli reuertens B. IOSEPH ad locum inter Babylonem & Heliopolim medium confecerit primo itinere centum octaginta sex millaria, totidemq; proinde 37. minùs in reuersione.

I X. Interim post eorum tantisper discessum auditis Herodes quæ in templo circa pueri oblationem gesta fuerant, eadem puerorum machinatur, & exequitur. Sed Deo tandem morbo grauissimo eum puniente, vitam scelestissimam cum morte pessimâ commutat.

X. Sed quamdiu post fugam Saluatoris aut eadem puerorum variant auctores: Vnde & quanti temporis exilium B. IOSEPH fuerit, non planè constat. Quidam definiunt biennale, nonnulli triennale, plures septenne: alij sexennale: quidam vix vnius anni: vt videre est apud Baronium: Contigit autem CHRISTI reditus ex Ægypto septimâ Ianuarij juxta Martyrologium Romanum.


XI. Inter hæc porrò quis dignè recogitet quantos labores & angustias Virgo & IOSEPH perpassi sint in itinere tam longo & aspero, in exilio inter barbaros & infideles diuturno, in paupertate & prouisionis defectu. Quoties ad pedem montium, vel ad radicem arborum fatigati conqueuerint, quàm sæpè fortassis peregrinorum pauperum


perum more hospitati sint, ac famem sitimq; ac his similia incommoda plurima extra amicum omne solatium tolerarint. Verùm quantula hæc deuotio nostra est, dum exilij B. IOSEPH cum CHRISTO & Virgine moras locaq; communiora perpendimus, cùm Angeli ipsi gressus passusq; singulos eius contemplati sint ac dinumerarint? Siquidem nil ei iucundiùs aut suauius pro diuini eius amoris magnitudine, non gelu, non æstus, non dies integri laboriosissimi, non noctes insomnes, non deniq; triginta quibus cum Virgine vixit annorum eum grauant arumnæ, angustia, labores, difficultatesq; vniuersæ, vt nec Parens aliquis quantumuis affectuosus, qui pro conjugē aut liberis suis tantum præstiterit, aut perpeßus sit, facile ostendi possit. Propterea *Labores*

*manuum tuarum quia manducaßti tecumq; adeò Mater ac Filius*

*DEI, O IOSEPH, Beatus es, & benè ibi eris*

*in æternum.*





## CAPVT VII.

S. IOSEPH inter fabriles operas vita  
Religiosa.

## I.

**V**irtutes B. IOSEPH quò propiùs in Euangelicis de ipso terminis inspiciuntur, eò plures semper maximeq; admirandæ deprehenduntur. Miramur in terra sterili pretiosum auri metallum reperiri, inter conchas arenasq; maris gemmas ipsas conformari, vbi aliqui vel minimè quærerentur. Sed cum flauescit aurum & gemma micat, suo seipsa in tenebris & squaloribus ipsis colore luceque inspicientibus produunt.

II. Non mirum quidem & inter aratra, secures, incudes, camenta forfices & ligones, interq; alia huiusmodi mechanicarum artium quotidiana exercitia virtutes ad comunem iustitiam pietatemq; spectantes inueniri, sed ad virtutum specialiorum, vtpotè deuotionis, orationis, meditationis, aut cælestium contemplationis vitæq; sanctioris ac religiosioris spiritualiorem cultum adeò steriles ineptæq; manuales eiusmodi artes aestimari solent, vt earum professores, vel sibi impossibiles, vel à se alienas virtutes has putent. Verùm & hæ ipsæ cum cæteris præstantiores virtutes sunt, quæ inter fabrilis B. IOSEPH quotidiana opera, propriâ luce sic emicant, vt & ipsum in cælestioris huius vitæ sanctitate mirabilem ostendant & cum manualibus similibus operarijs, tum quietioris etiam vitæ cultoribus in harum virtutum exercitio negligentioribus non mediocriter oculos perstringant; vt & hoc præferim B. IOSEPH & alia non paucorum similia exempla nullum excusationi locum eis relinquant.


III. Primum igitur quanta fuerit semper B. IOSEPH interior animi deuotio, quantusq; & quàm religiosus spiritualis vitæ in virtutum præfatarum exercitio sensus, & affectus, ipse eius circa Saluatorem Matremq; eius, Euangelicis conformiter argumentis intima eius præsentiaq; assidua abundè docere potest. Aderat B. IOSEPH continuò præ oculis mentis & corporis sacratissima Saluatoris humanitas eiusq; sanctissima Myſteria. Eius proinde vocem audiebat, & liquece-

# EMBLEMA III.

S. IOSEPH vita Religiosa.



A Phario remeans cum Nato & Matre Canopo  
Iosephus cælum patria tecta facit.  
Æthere nam toto rutilo plus igne coruscant  
In Nazarethanâ hæc fidera trina domo,





bat anima eius, eam contuebatur, eam tangebatur & ab eâ tangebatur, eius manus pedesq; contrectabat & osculabatur, ac in sinu sapius confouebat, & ad tactum eius intremiscebant viscera illius, cum & læua pueruli sub capite eius quiesceret, & dextera illius amplexaretur eum. & super his omnibus, in sanctissimis meditationibus mens eius exercebatur, mira; deuotione replebatur. *Erat, enim inquit Euangelista, Pater eius & Mater mirantes super his, quæ docebantur de illo.*

IV. Quin vix natus Saluator Iudææ pastores ad sua cunabula traxit, eosq; breuissimi temporis præsentia tantâ deuotione affecit, vt præ animi gaudio inter se exultarent, DEOq; laudes ac grates debira. jubilarent. Magi vt eum primùm viderunt, gauisi sunt gaudio magno valde, ac vehementi deuotione perfusi, ab eo in patriam suam Sancti reuersi sunt. Sanctus senex Simeon vix eum conspiciere in vlnasq; suscipere cæperat, cum præ animi deuotione ac voluptate dimitti in pace paratus fuit, immò & vehementer optauit nec mirum, cum & Angelus ipsi (teste S. Petro) præ mirifico de mysteriorum CHRISTI Domini cognitione, gaudio in ea magis magisq; prospicere desideret: quia viderant oculi eius salutare DEI. Duo Discipuli cunctes in Emmaus: Nonne, inquebant, cor nostrum ardens erat in nobis, cum loqueretur in viâ, & aperiret nobis scripturas?

V. Verùm quàm exigua sunt hæc omnia si cum B IOSEPH deuotionis ac pietatis in DEVM argumentis conferantur? Qui propterea etiam non modò cum alijs Sanctis, pietissimis licet diuinisq; cultui deuotissimis: sed vel cum ipsâ Deiparâ Virgine, in hæc virutum exercitio comparari promeritus est? vt legimus: *Erat autem Pater eius & Mater mirantes super his, quæ dicebantur de illo. Tulerunt eum in Ierusalem vt sisterent eum Domino. Ibant parentes eius per singulos annos in Ierusalem in die solemni Paschæ. Et requirebant eum inter cognatos & notos: Ecce pater tuus & ego dolentes quærebatimus te. Vt quos in his virtutum constantibus actibus ubiq; iunctos videmus, virtutibus pariter interitis animisq; ipsis non disiectos intelligamus.*

VI. Hinc sicut Virgine Deiparam, ita & B. IOSEPH, deuotioni, orationiq; additissimum fuisse, ac nocturnis etiam horis ad orationem surgere solitum, tradit S. Chrysologus, & S. Bernardinus Senensis: *Credo, inquit, virum istum S. IOSEPH fuisse mundissimum in Virginitate, ardentissimum in charitate, profundissimum in humilitate,*

*altissimum in contemplatione, &c.* Et paulò ante: *Quomodo, inquit, cogitare potest mens discreta, quod Spiritus sanctus tantâ unione uniret menti tantâ Virginis aliquam animam nisi ei virtutum operatione simillimam?* Et certè si nos miseri ex cohabitatione sanctorum virorum, qui respectu CHRISTI & Virginis nihil sunt, in pietate ac deuotione reliquaq; vitæ sanctitate, proficimus quantum existimandum est B. IOSEPH cum CHRISTO & Virgine profecisse?

VII. Ipsa B. Virgo de Sponso suo cum S. Brigittâ conferens: *Ipse etiam, inquebat, sic mortuus erat mundo & carni, vt nihil desideraret nisi celestia, sicq; credulus erat promissionum Dei, vt continuè diceret: vinam vinam & videam completam voluntatem Dei. Nam rarissime venit ad congregationes hominum & eorum consilia, quia totum desiderium suum fuit obedire voluntati Dei.* Et cum rursus de ipso testetur Virgo Deipara nullum eum vel murmurationis, vel otiosum aut non bonum Verbum protulisse, quantam vel hinc religionem eius animiq; ac vitæ puritatem æstimare nos conuenit, vt sicut nec verbo ita nec factò, vel opere malo vitam suam contaminasse probabiliter censere possimus? & eum quidem mortaliter nunquam peccasse asserit Cancellarius Parisiensis: sed à venialibus etiam à tempore saltem conjugij sui cum Deiparâ immunitatem fuisse inde fit improbable: cum neq; insuper probati desint Auctores, qui ob futuri muneris eius congruam sanctitatem eum in utero matris non minùs quam Domini præcursores sanctificatum existiment.

VIII. Inde totus à Deo dependens, non tantùm diebus festis, quos studiosissimè religiosissimeq; sanctificabat, cultui diuino per orationes, diuinas laudes, gratiarum adiones deuotissimus esset: sed nec inter fabriles ipsas quotidianas operas eum negligeret. *Eram, inquit, B. Virgo vbi supra, cum de se, tum de Sponso loquens, continua in oratione, raro videri & videre volens. & egrediens rarissime, nisi ad festa præcipua vigilijs, & lectionibus, quæ à Sacerdotibus nostris legebantur, intenta fui habens certa tempora ad labores manuum, & discreta fui ad ieiunia, prout natura mea ferre poterat in seruicio Dei: illa verò quæ superfuerunt super vidualia, dedimus pauperibus, contenti his, quæ habebamus:* Hinc & bene orantium magistrum & Patronum eum vocat S. Mater Teresa: *Qui magistrum a quo bene doceatur nancisci nequit, in magistrum accipiat gloriosum hunc sanctum, & bene orandi viam sine dubio inueniet.*

IX, Davi-

IX. Dauidem nempe in eius filio videre licebat inter medias sollicitudinum negotiorumq; turbas media nocte surgentem ad confitendum nomini Domini, septiesq; in die laudem dicentem, & super iudicia iustitiæ ac bonitatis eius. Videre, inquam, & eumerat sicut Deo deuotissimum, & à terrâ terrenisq; rebus alienissimum, ac Deo semper, in continuis licet manualibus, alijsq; laborum curarumque exercitijs maximè vnitum: Ita & sanctissimum, cælo Deoq; proximum: & non tam hominem, quàm cælesti conuersatione Angelum: Immo hominem quidem in opere manuali pro diuinæ familiæ suæ necessitate laboriosissimum, sed cælestibus meditationibus diuinisq; cultus spiritualibus studijs Angelum sanctissimum, ob idq; Angelorum crebris apparitionibus honoratum, vt in corpore laborioso animus nobis Angelicus indicaretur: in fabrilibus eius manibus pedibusq; variè peregrinis ac itinerantibus calli indurabantur; sudabat vultus eius & cogitationum cælestium luce, mens illustrabatur, totaq; in Deo circa diuinum eius cultum amoremq; occupabatur.

X. Pascebant manus eius Saluatorem, & in Salvatore animus eius pascebatur, & Mariæ Marthæq; incomparabilibus in eo meritis respondens, totq; intermicantibus gloriæ radijs ac circulis splendens, quot diuinorum amorum conspirantibus actibus promerita, ei in cælo corona parabatur. O quàm eminente ergò loco inter Patris cælestis benedictos in regni cælorum possessione in æternum apparebit B. IOSEPH, qui pro CHRISTI ipsius viâ omniq; necessitate circa plurima semper sollicitus vixit, neq; tamen perperam distractus vel turbatus vnquam fuit, aut Mariæ partem optimam minùs coluit.

Et ecce porrò non modò eminens hoc B. IOSEPH sed & aliorum Sanctorum ad istam eius gloriam accedentia, omnesq; inter operas corporales animi in deuotiones aut irreligiositates confundentia pauca de multis exempla.

XI. S. Seuerus textor ita in illius artis quotidiano exercitio deuotionem, pietatem sanctitatemq; colebat, vt columbæ tandem diuino indicio, cùm ad Ecclesiam ab opificio suo in artisq; suæ habitu nil minùs cogitans perrexisset, in Episcopum Rauennatem electus fuerit, ipsamq; familiam suam exemplo suo sanctam effecerit: ac eius deinde & Vincentiæ vxoris & filiæ Innocentiæ reliquiæ Moguntiam translata. *Teste Sigeberto. 844.*

XII. Alc-

XII. Alexander martyr ex carbonarijs operis & mineralium foedinis Comanæ Episcopus ob emicantem singularem sanctitatem à S. Gregorio Thaumaturgo constitutus. *Nysseus in vitâ S. Greg. Thaumaturgi.*

XIII. S. Phocas martyr hortulanus erat, itaq; in isto exercitio diuinæ bonitatis considerationi amoriq; inhærebat, vt persecutores ipsos ad C H R I S T I Domini exemplum benignè exciperet. *Lipom. 12. Sept.*

XIV. Et in eadem seruii licet occupatione quàm spiritualem celestibusq; meditationibus & orationibus plenam vitam non duxit S. Paulinus Nolanus Episcopus?

XV. S. Eligius ex aurifabro pijsimo, diuinoq; cultui deuotissimo Nouiomenfis Episcopus institutus est. *Skr. 1. Dec.*

XVI. S. Lambertus Hispanus agricola Martyr insignis tempore Daciani caput abscissum detulit, cecinitq; ex eâ, quam semper coluerat pietate, celestiumq; appetitione, *Exultabunt sancti in gloriâ, lætabuntur in cubilibus suis.*

XVII. S. Eustachius cùm in militiâ tum in villicis laboribus sanctissimus, indeq; martyrij honorem promeritus. S. Item Isidorus cum SS. Ignatio, Francisco Xauerio, Philippo Nerio, Theresiâ non pridem canonizatus agricola erat ita pietati, deuotioni diuinoq; omnino cultui deuinctus, vt dum orationi vacaret, & operi deesse putaretur, aratrum eius loco Angeli ducere visi sint. Sciunt omnes; & refert *Surius 25. Oct.* SS. Crispicum & Crispinianum, Sutoriam artem exercuisse. SS. Cosmam & Damianum Chyrurgicam; Claudium, Nicostratum & Socios tres Martyres : item S. Thiemonem Archiepiscopum & Martyrem sculptoriam. *Surius 8. Nouemb.*

XVIII. S. Drogo iuxta Valencenas in Hannoniâ, & S. Ioannes de monte Petro iuxta Atrebarum in Arthesiâ epiliones fuere tantæ pietatis ac sanctitatis, vt S. Drogone in templo vicino Missam audiente, Angelos Gregi eius aduigilare deprehensum sit.

XIX. S. Antonius, cùm in cellulâ suâ, Orationi vacaret, vocem diuinitus missam audiuit: Antoni nec dum peruenisti ad mensuram Coriarij, qui est Alexandria. Ad cuius vocis monitum pergens ipse Alexandriam, diligenter Coriarium illum, vt audierat, humilitatis ac pietatis cæterarumq; affinium virtutum, non obstante quotidiano opificio

opificio suo mirabilem cultorem vitæq; sanctitate excellentem inuenit; Adeo vt post aliquas humilitatis eius probas profiteretur Antonius, se post multorum annorum Eremitum nec dum verborum eius mensuram assecutum: dum nimirum S. Ille Coriarius quotidie manè surgens antequam ad opificium se accingeret, salutis suæ maximè sollicitus esset, seq. inter omnes profundissimè humilians nihil vnquam se boni egisse, immò omnibus à minimo vsq; ad maximum ciuitatis suæ incolis cælum capefcentibus, ad infernum se quotidie descendere, ex cordis sui iudicio existimaret.

XX. S. Deusdedit Confessor apud S. Gregorium calceamenta operari solebat, ac inter sutorias eas operas ita virtutem aluit, adeoq; operibus ipsis religiosum se præstitit, vt ex his, quæ singulis diebus laborabat, quicquid victu & vestitu superesse potuisset, die sabbato ad S. Petri Ecclesiam deferens pauperibus erogaret. Vnde contigit, ait D. Gregorius, de ipso alterum per visionem videre, quòd domus eius edificabatur: sed in ea constructores sui solo die Sabbati videbantur operari.

XXI. De S. Guidone Andela censu iuxta Bruxellam Patrono Suius 12. Sept. Vir venerabilis Guido in pago Brabantensi tugurio rusticano & paupere domo natus & educatus est. Suffragabatur jam tum in ipsis primæ ætatis initijs parentum oculis certas horas, quibus ad Ecclesiam orationis causâ adiret, vel infirmis quicquid ex facultatibus suis habere poterat, impertiret: nec eum hilarem vlla vidit dies, quò non priùs aut in preces incubuisset, aut eleemosinam præstitisset.

XXII. Apud Palladium ex relatione S. Basilij Soror quædam coquina Monasterij Tabennesiotarum ita muneri isto incumbere, vt à coquinâ nunquam recedens tota in eo ministerio occupata esset. Ac nihilominus ab omnibus etiam licet despecta, vitæ religiosa perfectione adeo coluit, vt S. Protereo Eremita sanctissimo Angelus apparens eam illi prætulerit, iusseritq; vt ad Monasterium pergens eam ex coronæ ad caput eius indicio dignoscendam honoraret, eiusq; sanctitatem suâ maiorem declararet. Hæc enim, inquebat illi Angelus, dum ministerio suo incumbit, & contra tantum populum diebus ac noctibus pugnat, cor eius à DEO nunquam recedit: tu autem vno in loco residens, neq; quoquam aliquando progrediens per omnes vrbes animo & cogitatione vagaris.

XXIII. S. Spîridion vir agrestis erat vxorem habens & liberos, atq; ita tamen res diuinas pariter obiens, vt vitæ sanctitate ac miraculis claruerit, & Trimythuntis oppidi Cypri Episcopus creatus fuerit. *Hist. trip. p. 3. cap. 10.*

XXIV. B. Ioannes Agnus agriculturam exercebat, sed ita simul Deo vacabar, animumq; suum deuotionis ac pietatis exercitijs excolebat, vt ad Episcopatum Leodiensem diuinitus designatus fuerit. *Hist. Leod. Tom. 1. cap. 17.*

XXV. S. Zachariæ Calcearij victum isto opificio lucrantis mira erat vitæ religio, aded vt & miraculis Deus eum honoraret. *Rad. Virid. SS. 17. Nou.* Vbi etiam de Eucharisto Opilione sanctissimo, qui non obstante gregis ouilis quotidianâ gregali curâ, Ciliciû quoq; ad animi pietatem & perpetuam conjugalem continentiam non minùs constanter quàm deuotè adhibuit.

XXVI. B. Alexander S. Mathildis filix Regis Scotiæ inferuitio Bubulei & lacticiniorum ad Fonij claustrum Ord. Cisterciensis, vt absconditè in CHRISTO ita & sanctissimè vixit, nec diu post mortem insigni miraculo à Deo honoratus fuit. *Cantiprat. l. 2. c. 10. n. 3.*

XXVII. S. Patricius Hybernico Dynastæ venditus & porcorum gregi ab eo præfectus à pristina pietatis ac deuotionis consuetudine in isto seruilis laboris genere sexennio toto non recessit, sed CHRISTO potiùs firmiùs in hæsit: aded vt crescente eius sanctitate ac meritis, Hybernorum Apostolus à cælestino summo Pontifice institutus sit. *In vitâ eius apud Rich. Santhurst.*

XXVIII. S. Odbertus agricola fuit in Osterhoultpago populoso Diocesis Antuerpiensis apud Bredam. *Molanus in Indicule SS. Belgij.*

XXIX. S. Menignus Fulloniam exercuit eâ mentis assiduâ conservatâ religione, vt inter artis illius operas, cum ad flumen vestes elueret, voce cœlitus lapsâ ad Martyrium commoueri promeruerit, cuius & atrocissima tormenta generosissimè pertulit, donec capite plecteretur, candida columba in signum sanctitatis vitæ ex ore S. Martyris in cœlum euolare visa. *Men. cap. 15.*

XXX. S. Myro terram primò colens ita pariter animi deuotionem erga Deum, & propter eum erga pauperes pietatem coluit, vt fruges labore partas in eos distraheret, Deo vicissim ita in eum propitio, vt copia frumenti tantò magis aueretur, quantò vir sanctus plus eam largiebatur. *Mart. Rom. 8. Aug.*

XXXI.

XXXI. S. Carolomannus Caroli Martelli filius religioso suscepto habitu in monte Cassinate, Abbatis jussu pecudes pavit magnâ isto in munere sanctitate vitæ conspicuus, quamquam oves debiles ad stabulum vsq; humeris deferret, totumq; in eiusmodi operibus pro ratione officij se occuparet, *Ex annal. Cassin.*

XXXII. S. Dunstanus fabrilem in cellulâ suâ exercebat, cùm demoni eius sanctitatem persequenti, eiq; muliebri specie apparenti forcipibus candentibus nasum torfit. *Sar. 19. May.*

XXXIII. S. Homibonus in mercaturæ exercitio & matrimonialibus curis mirabilis erat sanctitatis. 3. *Nov.*

XXXIV. S. Ioannes à Deo, primum opilio, post miles, deinde mercator, ac tandem in hospitalarij munere sanctissimè defunctus; cuius corpus sine vllâ curâ sepultum, tamen integrum illatumq; post Annos viginti est repertum. *Ex vitâ.*

XXXV. Atq; vt plura, ad hoc propositum non necessaria sanctorum similia exempla non proferam; ex his quoq; amplius rebus ipsis apparet veram cordis deuotionem, nullis difficultatum, timorum, perturbationum aut occupationum quarumcunq; diuersitatibus constringi, eosque deuotionis Christianæ laude indignos esse, siue reuera Deo deuotos non esse, quos ob debiti affectus feruorisque defectum, molestiarum vel negotiorum turbæ à diuino cultu suæque salutis sollicitâ curâ impediunt.

XXXVI. Ita nimirum & liquidò constat in hoc sanctæ vitæ genere artium quarumlibet corporalium ac studiorum cultores, socios B. IOSEPH habere posse; qui vtique in medijs curis & laboribus suis *Non impediuntur orare semper.* Quis dubitet, inquit noster Rupertus Abbas, has vel omnes eiusmodi artes esse Dei dona? proinde in quocunque habentur homine artes tam vtilis ac licitæ diligendæ sunt, & admodum periti artifices, vt tanquam Dei Talentum in lucrum expendant, quia non ipsorum facultas propria, sed Dei omnia tribuentis commissum est, & ab eis, quibus tribuit, ipse exacturus est. Rogandus itaq;

DEVS, vt opera manuum nostrarum dirigantur ad eum finem vt ipsi placeamus, &c.



## C A P V T V I I I.

# Gloria S. IOSEPH ex ipsius & cum imitantium Conjugali continentia.

## I.

**C**HRIſTVS Virgo, Virgo MARIA, vtriuſq; ſexus virginitatem dedicauere. Apoſtoli vel Virgines, vel poſt nuptias continentes: Epiſcopi, Presbyteri, Diaconi, aut virgines eliguntur, aut vidui, aut certè poſt ſacerdotium in æternum pudici. *Multos Sanctorum nouimus, inquit noſter S. Gregorius, cum ſuis conjugibus & prius continentem vitam duxiſſe, & poſtmodum ad S. Eccleſia regimina migrariſſe. Duobus enim modis Sancti viri à licitis abſtinere ſolent; aliquando ut merita ſibi apud omnipotentem Deum augeant, aliquando verò ut anteaſſe vitæ culpas detergant.*

II. Hinc porro poſt primarium S. IOSEPH cum Deiparâ Virgine conjugè ſuâ exemplum ad has Apoſtolicas ac SS. Patrum commendationes atq; exhortationes, tam crebro ſanctorum personarum non communis modò ſtatus, ſed & principalis, regiæ, atq; imperatoriæ dignitatis exempla præclariffima, quibus enarrandis dies anniq; deficerent.

I. Paulini cum Thereſiâ conjugè ſuâ: apud Auguſtinum epiſt. 12.

II. Apri cum conjugè ſuâ apud Paulinum à quo in hoc laudatur Epiſt. 3.

III. Chryſanthi & Dariæ conjugum nobilium, qui non diſtantibus modò blanditijs, modò tormentis crudeliſſimis, vnâ cum fide Chriſtianâ ad quam Daria per Chryſantum conuerſa fuerat, virginitatem vſq; ad Martyrij palmam ſub matrimonij nomine ſeruauerunt. *Sur. 25. Octob.* quemadmodum per Chryſanthum innumerabilis virorum multitudo, ſic per Dariam incredibilis ſaminarum numerus ad CHRISTI gratiam concurrebat, & multæ virgines diſmiſſis ſponſis ſe CHRISTO dicabant: Multi item adoleſcentes ſpretis mundi delitijs ac voluptatibus ſuperatis, caſtitatemq; complexi eidem CHRISTO ſe conſecrabant

IV. Pelagius Laodiceſis Epiſcopus, quòd primâ die nuptiarum,  
cum



cum ipse iuuenis iuuenem sponsam accepisset, atq; vt simul continentiam vouerent, suasisset, eum vehementer laudat *Theodoretus l. 54. c. 43.*

V. Ammon Monachus, cum vxore virgine ex consensu semper virgo permanfit, ac monachifmum amplexus est, teste *Palladio hift. Laus. c. 8.* Deo etiam hanc eius continentiam probante, quòd, vt refert Athanasius, eius animam S. Antonius in cælum ab Angelis cum summâ gloriâ deferri viderit.

VI. Laici cuiusdam apud Cassianum, qui quoniam cum vxore suâ ex consensu continentiam virginalem colebat, adeò claruit, vt Dæmonem quendam ferocissimum quem S. Ioannes Abbas expellere ab obfesso corpore non potuerat solâ suâ præfentiâ ipse mox expulerit. *Collat. 14. cap. 7.*

VII. S. Mathuriani & Maximæ vxoris, apud *Victorem l. 1. pers. Wand.*

VIII. Duobus conjugum apud Gregor. Turon. qui cum semper ex consensu castè vixissent, & altera mortua esset, alter in hæc verba prorupit: gratias tibi ago omnipotens conditor, quòd hanc puellam, sicut eam tradidisti impollutam, & ab omni voluptatis contagio puram, ita tibi restituo; Illa verò etiam si mortua subridens: file file, ait, vir Dei; quia non est necesse proloqui nostrum, nullo interrogante, secretum. *De glor. Conf. c. 32.*

IX. S. Henrici I. Imp. cum S. Kunegunde vxore suâ, qui similiter, quia ex consensu virgines permanebant, adeò miraculis claruerunt, vt S. Kunegundis in virginitatis testimonium, vomerem candentem sine læsione calcauerit, *Kranz. l. 3. c. 31.*

X. Marciani Imp. cum Pulcheriâ Augustâ. *Pulcheria soror Imperatoris*, inquit Nicephorus, decimum quartum annum agens, *supra ætatem sapientissimum ac diuinum Spiritum accepit, ac primum DEO, virginitatem deuouit. Deinde & sorores suas adidem vitam institutum eduxit,* &c. Vt igitur ea quæ constituerat, consignaret, ac Deum ipsum, ac Sacerdotes, omnesq; subditos testes faceret voluntatis suæ, ex auro gemisq; pretiosis admirabile quoddam donarium, & spectaculum omnibus pulcherrimum pro virginitate suâ & imperio fratris, sacram mentam Ecclesiæ Constantinopolitanæ designauit, idq; ipsum vt eundis esset conspicuum in fronte eiusdem mentæ litteris aureis expressit. De conjugali autem eius deinde continentia clarè apud Baronium: *Defuncto autem Theodosio Imp. inquit, voluntate S. Pulcheriæ ex*

*Senatus consulto* delatum est imperium Marciano. Quod enim nullum exemplum præcesserat, ut Augusta sola habenas moderaretur imperij, & ipsa, ut dictum est, virginitatem Deo vouisset, jamq; ætate grandior esset, utpote quæ ageret annos quinquaginta & unum, nata sub consulatu Theodori & Euthropij: salubre illud consilium iniit, ut conjugij titulo virum eueheret in Imperium ætate maturum, consilio grauem, continentiam probatum, atq; militari virtute ubiq; spectatum: sicq; optimo Imperij regimini opportunè consularet, ut tamen deuotæ Dei virginitatis integritati esset omninò prospectatum, haud inmemor facti huius in diuinis litteris exemplum haberi commendatum, cum sanctissima Virgo Deipara ita fuit matrimonij legibus iuncta coniugi, ut nunquam desierit esse Virgo, &c.

XI. S. Eduardi Angliæ regis cum S. Edithâ reginâ, qui cum vxore, cum virgo permansisset, multis claruit miraculis, & post annos centum à morte, omninò integer inuentus est, ad cò ut ne barba quidem illi quæ prolixa & cana fuerat, decidisset. *Sur. Baron. an. 1066.*

XII. Petri Vrscoli Ducis Venetorum qui cum vxore ex consensu continenter viuens miraculis illustris fuit. *Volater. lib. 4.*

XIII. S. Catharinæ Suecæ, quæ cum viro suo virgo permansit, & miraculis claruit. *Idem.*

XIV. Boleslai Pudici Polonorum regis, de quo ita *Clemens Ianitium Pol.*

*Coniuge consensuit cum virgine virgo maritus, &c.*

XV. Alphonfi secundi Regis Castellæ, de quo similia refert *Volateranus lib. 2.* quod nimirum ab vxore se perpetuò continuerit, ac miraculis claruerit.

XVI. S. Iuliani Antiocheni cum Basilissâ, is enim primâ nuptiarum nocte, cum virginitatem antea vouisset, tantam rosarum fragrantiam hyemis tempore per cubiculum in quod se cum sponsâ receperat, à Deo obtinuit, ut eâ permota Basilissa, dicente sibi suo Iuliano, hunc esse odorem munditiæ virginalis, statim consenserit virginitatem seruare, quam è lætæo exiliens confestim vouit. *Sur. 9. Ian.*

XVII. S. Amatoris Episcopi Antisiodorensis, qui cum virginem duxisset, ei persuasit ut simul Deo virginitatem consecrarent, & illa monasterium virginum ingressa est, ille Clericus ac postea Episcopus effectus est. *Petr. de Natal. c. 113.*

XVIII. S.

XVIII. S. Elzearij comitis in Galliâ, qui cum vxore suâ Dalphinâ Massiliæ virginittatis suæ propositum conceperunt & firmarunt, ac tandem voto se obstrinxerunt. *Sur. 27. Sept.*

XIX. Presbyteri cuiusdam apud Sophronium, qui etsi à parentibus vxorem accipere compulsus, non solum illecebrâ captus non est, quamuis iuuenis existeret, & legitimè conjunctus vxori, sed ipsam induxit castè secum ac pudicè viuere, & clericus ac presbyter ordinatus est.

XX. Beatæ Elisabethæ de Wans apud Cantipratenum, quæ ex nobili Eburonum familiâ oriunda, parentibus licet eius sanctitati invidentibus, eamq; viro militari in matrimonium dantibus, virgo tamen illibata semper permanfit.

XXI. Ediltrudis Angliæ reginæ: quæ etsi tribus viris nupserit: virgo tamen permanfit. *Beda.*

XXII. Godolænæ Bolonienfis Martyris apud Dragonem Monachum. *Sur. 6. Iulij.*

XXIII. B. Ausberti cum Angadrisinâ apud Molanum pridie idus Octobris.

XXIV. S. Alexij de quo omnibus notum.

XXV. S. Cæcilie Virginis & Martyris cum Valeriano, cuius etiam, vt omnibus notum est, continentiam virginealem tanti DEVS fecit, adeoque honorauit, vt ipsâ nuptiarum nocte in eius testimonium ac custodiam, Angelicam apparitionem, cuius etiam desiderio Valerianus conuersus est, exhibere dignatus sit.

XXVI. Zachariæ Calcearij cum Mariâ vxore suâ. Eucharisti Opiionis cum Mariâ conjugæ. Cononis Isaurici cum Annâ. Apenniani & Melaniæ. Vandesselli Comitæ Palatini. Emerici Pannonij, Stephani Regis filij, Eghardi & Catharinæ filiæ S. Brigittæ. Olympiadis cum Nebridio, Bertillæ cum Cuthlando. Pharaildis cum Marito. Noyemburgis, Maturiani & Maximæ. Dominici à Teris, apud Rayssum ex suis auctoribus in auctario natalium Sanctorum Belgij.

XXVII. Mathildis Comitissæ, Bonifacij Marchionis filia, Welfphoni Duci Welfphonis Ducis filio, Urbani Pontificis suasu, secundò nuptæ, apud Baronium ann. 1080. vbi tamen an cum præcedenti viro continenter etiam vixisset, Baronius non exprimit.

XXVIII. Mariæ Oigniæensis ad Sabim in canobio S. Nicolai, &c.

XXIX. B.

**XXIX. S. Themistagoræ, de quo Metaphrastes: Ordinavit, inquit, S. Auxibius, B. Themistagoram Diaconum S. Ecclesiæ; B. vero Timo eius uxorem Diaconissam ipsius Ecclesiæ, ex quo cum acceperunt S. Baptismum se à se inuicem separarunt ex consensu, propter Regnum cælorum; & ambo de cæterotantum fratres processerunt ad impatientiam.**

**XXX. De Gorgoniâ sorore suâ S. Gregorius Nazianzen. Non enim, ( inquit pudicitiam eius laudans ) quia carni coniuncta erat ) idcirco à Spiritu disjuncta est, nec quia pro capite virum habebat, idcirco primum caput ignoravit, sed mundo naturâ, hætenus obsecuta, ut carnis legi vel ei potius qui hanc carnis legem indixit, satisfaceret, totam se postea Deo consecrauit. Quodq; præclarissimum & illustrissimum est, maritum etiam sibi ascivit, ac non herem importunum, sed bonam conseruum insuper elucrata est, &c.**

**XXXI. De muliere nobili Aloysius Lipomanus in vitâ S. Francis. Alio quoq; tempore, inquit, mulier quadam nobilis Deo deuota venit ad sanctum, ut suum ei explicaret dolorem, ac remedium postularet. Habebat quidem virum valde crudelem, quem aduersarium patiebatur in seruitio CHRISTI. Et idcirco petebat à sancto quatenus oraret pro illo, ut suâ Deus cor illius emollire dignaretur clementiâ; ipse verò hæc audiens ait illi: vade cum pace indubitanter expectans de viro tibi consolationem de proximo ad futuram, & adjecit: dices ei ex parte Dei & meâ, quod nunc est tempus clementiæ, postmodum aequitatis. Benedictione accepta reuertitur mulier, inuenit virum, nunciat verbum. Cecidit super eum Spiritus sanctus. & novum factum de veteri sic facit cum mansuetudine respondere: Domina, serviamus Domino. & salvemus animas nostras. Suadente igitur uxore pluribus annis calibem vitam agentes, eodem die ambo ad Dominum migraverunt**

**XXXII. De S. Amalbergâ nobili, S. Aldeberti Cameracensis Episcopi & S. Gudulæ matre refert Surius quod post aliquot proles susceptas, in perpetuâ continentia cum viro suo Withgero vixerit. Sur. 10. Iulij.**

**XXXIII. S. Euphrasia cum viro suo Antigono post unicam prolem susceptam, castitatem coluit, vivens cum eo tanquam cum fratre suo. Sur. 13. Martij.**

**XXXIV. De Leontio Burdegalenſi Episcopo & Placidinâ eius conjuge Fortunatus:**

*Cogor amore etiam Placidina pauca referre,*

*Qua tibi tunc Coniux, est modo chara soror.*

*Chara, serena, decens, solers, pia, mitis, opima.*

*Qua bona cuncta gerit, quicquid honore placet.*

XXXV. Tempore Theodosij magni Andronicus cum Athanasia vxore Antiochenſes Alexandriam profecti leorſum monaſticam vitam egerunt 12. annis, poſt quos Andronicus Ieroſolymam profectus ſacra loca viſendi gratiâ, illuc etiam de viri profeſſione nihil ſciens ſe contulit Athanaſia habitu Monachi induta Quæ in virum offendens, ipſum cognouit, atq; ab eo minimè cognita eſt, ſed pro monacho habita: ſimulq; Hieroſolymam ſilentium ipſis inductum ſeruantes, profecti ſunt; & Alexandriam redierunt. Illa Andronicum ad ſimul habitandum inuitauit, cui ille pro monacho ſemper habitæ conſentiens, ſimul cum eâ 12. annis in eadem cellulâ habitauit, nec vnquam (tam indiſtriè agebat id mulier & caſtè) ſcire potuit, niſi poſt mortem, eam eſſe mulierem, ne dum vxorem ſuam. Ribad. 9. Oct.

XXXVI. S. Aurelius Martyr, de quo ita Eulogius preſbyter: *Quamobrem, inquit Aurelius ad conjugem, primò omnium munditiæ & caſtitati ſtudentes, vacemus orationi, quò facilius ad reliqua ſanctitatis opera properemus: Fiat dehinc ſoror, qua hactenus coniux fuit, & ſpretâ conglutinatione corporum canoſâ, nouerit mens præſtantior, ſpreto carnis oblectamento, perpetuaincolumitas producere germina, ſi quo modo digni reddamur martyrij præmio. Suscipit letantibus animis venerabilis mulier pium viri conſilium, gaudenſq; multis modis in tam ſubitâ inſperata ſalutis oblatione: hæc ſunt, inquit, quæ ſemper optabam audire, videlicet ut carne morientes viuamus Spiritu, unum pariter effecti cum illo, ſicut ſcriptum eſt: qui adheret Deo vnus Spiritus eſt, &c.*

XXXVII. S. Hedwigis nupſit Henrico duci Sileſiæ & Poloniæ, cum quo 6. ſuſceptis liberis, annuente Epifcopo votum caſtitalis vterq; emiſit. Sur. 15. Octob.

XXXVIII. Iacobus Martotilla cum Viennâ de Caſtro fuſcaldi, parentes fuère S. Franciſci de Paulâ inſtitutoris Ordinis Minimorum. Il ſtatim à ſuſceptâ diuinitus prole tam illuſtri, pari conſenſu votum caſtitalis emiſerunt, viuentes ſimul vt frater & ſoror, vnde nec aliam prolem præter dictum S. Franciſcum habuerunt. Ex vitâ Regiſt. l. 5. ep. 49.

XXXIX. Deſiderabat Agatho, apud S. Gregorium, ad continen-

tiam seruandam in Monasterio suscipi: & ecce quantā propensione & fauore eum Urbico Monasterij Abbati comēdet. B. Gregorius; *Quisquis in diuinā inspiratione compunctus relictis saculi huius actionibus ad Deum conuersi festinat, ita cum charitate suscipiendus est, & blandis per omnia consolacionibus refrendendus, ut in eā quam elegit Deo adiuvante, delectetur modis omnibus conuersatione persistere. Qui agitur Agathoprasentius, iator in Monasterio dilectionis suae conuersi desiderat, hortatur ut eum omni cum dulcedine, dilectioneque suscipias, atq; ad eternam vitam eius desiderium assiduā adhortatione succendas, & circa animā ipsius salutē diligenter studeas esse sollicitus, quatenus dum in Deo nostris seruitio, te admonente deuota mente perstiterit, & illi proficē saculum reliquisset, & tibi eius conuersio proficiat ad mercedem. Quem tamen ita suscipiendum esse cognosce, si & vxor ipsius similiter conuersi uoluerit: nam cum unum utrumq; corpus conjugij copulatione sit factum, incongruum est partem conuerti, & partem in saeculo remanere. Itā B. Gregorius.*

XL. Ceterum autem, quod antē matrimonij per carnalem copulam consummationem, liceat alteri conjugum, altero etiam inuito, ad religionis statum transire, quodq; in eo casu per se solē professionem religionis, matrimonij vinculum saluatur, ut alteri in saeculo remanenti, liberum sit alias nuptias inire, perpetua est ab ipsis Apostolorum temporibus Ecclesiae doctrina praeisque, neque talia etiam indubitata desunt exempla. Sanctam etiam Tēdam antē matrimonij consummationem à S. Paulo Apostolo à nuptijs reuocatam esse, testatur Epiphanius, & S. Ambrosius.

XLI. De S. Osthā Martyre, Fritualdi Regis filiā, & Sigeri Saxenorum orientalium Regis ad parentum suorum instantiam conjugem, quod non distantibus Mariti contrarijs importunitatibus Virgo permanserit, atq; ad virginitatis custodiam securiorem, sacrum velamen ac religionis statum suscepit, refertur in eius vita. 7. Octobr.

XLII. S. Leobardus apud Greg. Turoensem, fœdera nuptialia dimisit, in vitisq; parentibus Monachus factus est.

XLIII. Gregoriā Virgo sacra, nuptijs jam constitutis, ad Ecclesiam confugit, & sanctimonialis vitae habitum petijt ac impetrauit. apud B. Greg. *Diabol. 3. c. 14.*

XLIV. Iuueni cuidam ipso nuptialis conuiuij tempore B. Virgineum eo quod ei deuotus esset, apparuisse, eumq; à nuptijs, ac triduo post

post laudatâ eius deuotione ac virginitate, ex hac vitâ assumptum esse, refert *Cantipratani* l. 2. c. 29. p. 6.

XLV. Nimirum pretiosa apud Deum, adeoq; etiam Sancta probatur conjugatorum continentia, vt & eam sedari sanctum sit, & sanctos ipsa faciat, & ad sublimiora cum in terris munia, tum in calis præmia, suos cooptet atq; extollat. Sancti, inquam, terq; beati continentes conjuges, qui cum licitis, etiam corporis animam continuè aggrauantis voluptatibus vti potuerint, vti noluerunt, sed in ipsâ voluptatum harum licentiâ, sobrietate, jejunijs crebrique ad Deum precibus cum diuinâ gratiâ præmissis & continuatis, quo DEO sibi que in Domino magis vacare possent, se ipsos iuxta Dominicum consilium castrauerunt propter Regnum Dei. Neque vero vitæque propter Regnum Dei, sed iuxta continentia: suæ inter licitas ipsas voluptates non modicum meriti incrementum, vt centuplicetiam, fructusq; cunctissimi thesaurum in Regno Dei habeant. *O conjugium*, (inquit de Sanctis Henrico Imp. & Kunegunde auctor illius temporis) non voluptate, sed bonâ voluntate copulatum, *O sanctum matrimonium*, ubi una fides inuoluta castitatis, ubi unus Spiritus misericordia & veritatis: ubi idem velle in viribus, idem nolle in vitis, ubi nec primus, nec alter discernere potuit, dum alter quod primus voluit: ubi par animus in multifarij operum effectibus pares in duobus ostendit affectus. Quales hæc nuptias dixerim nescio: unum scio, quia nesci, modo regio nostra tales, dum propter regnum calorum se castrantes, nec prolem terrena fecunditatis expectantes, calibem in Deo generationem reciperent, à quorum ore laus Dei nunquam deficeret. Hæc est generatio quæ erit Dominum, qui viuentes in CHRISTO, & membra sua propter CHRISTVM super terram mortificant, modo regnantes cum CHRISTO bona Domini vident in regione viuentium. De quo S. Imperatore Leo quoq; Ostiensis: Ad mortem Henricum veniens, inquit, Episcopis, Abbatibus, prælatibus, Kunegundam coniugem suam pro prius tradidisse fertur, ac dixisse: recipite quam mihi tradidistis virginem vestram.

XLVI. Porro cum S. Imperatoris huius Confessarius fuisset Friedboldus IV. Abbas Monasterij S. Vdalrici Augusta, piissima Imperatrix S. Kunegundis, eius obitum mox significandum decreuit per Epistolam Conueptui prædicti Monasterij, quam vt nobile antiquitatis monumentum posteritati communicare voluit, hinc enim elicitur certus eius obitus dies, qui apud plerosq; Scriptores valde dubiè annotatur.

EPISTOLA S. KVNEGVNDIS IMPERATRICIS,  
 qua Conuentui S. Vdalrici significat Obitum Suauiſſimi Conjugis  
 ſui Henrici II. Imperatoris Anno ſalutis M. XXIV. III. Idus Iulij Ætatis  
 LII. Regni XXII. Imperij XI. piſſimè defuncti, & Bambergæ ſepulti.

VENERABILIBVS, DILECTIS IN CHRISTO  
 PP. & FF. Monaſterij SS. Vdalrici & Afræ, Kune-  
 gundis *Diâ diſpenſatione ſolonomine Imperatrix præſen-  
 tem ſalutem, & Regnum ſempiternum.*

**D**E Sereniſſimo Domino Imperatore noſtro  
 piæ recordationis, non ſine dolore memoran-  
 do pijs Paternitatibus veſtris notificandum duxi-  
 mus, quòd cùm ad ſoluendum commune Morta-  
 lium debitum morbo corripetur eo ingraue-  
 ſcente, vocatis ad ſe Epiſcopis, Abbatibus, quibus-  
 cunq; Religioſis Viris, in breui ad extrema perdu-  
 ctus eſt. Tunc verò quàm ſanctè, quàm deuotè,  
 quàm Catholicè primò Fidei, dehinc peccatorum  
 ſuorum confeſſionem fecerit, quanto inhiantis  
 cordis affectu peregrinationis viaticum, ac vitæ  
 æternæ pignus, Corpus ſcilicet Redemptoris Do-  
 mini noſtri acceperit, quàm fideliter corpus ſuum  
 & animam ſuam hîc & in æternum ipſi commen-  
 dârit, ex dilecto noſtro Frideboldo Abbate veſtro  
 intelligetis, qui agonizanti fideliter aſtabat. Cete-  
 rùm graues anxietates & amaritudines, quibus  
 animus



animus noster afflictus fuit, non parùm Serenissimus Conjux noster felicitis recordationis à nobis subleuauit, dum Nos humano more obitum ipsius descentes eiusmodi verbis plenius consolabatur. Nolite, aiebat, dilectissima Conjux super Nos flere, quin potiùs exultando gaudere, quòd Dei misericordia præstitit Nos in eius occursum, sicut videtis, præparasse. Hòc itaq; sine III. Idus Iulij dies suos consummauit, & ad DEVM suum, quem in vitâ suâ semper aspirabat, feliciter, vt sanctè speramus, transiuit. Nolite ergò, dilectissimi Patres, Seniore Patrem Mæcenatem vestrum abijcere à Religiosis còrdibus vestris, qui vos vnice viuus dilexit, & propterea locum vestrum regiâ suâ liberalitate florere voluit, & curauit. Sed quàm primùm ei iusta persoluite, vt DEVS det ei pacem, qui pacem semper dilexit, nostræq; necessitatis in Sacrificio Missæ memores estote, multùm namq; valere apud supremum Iudicem assiduam deprecationem iustorum nos sacræ litteræ edocent. Valete.

*Ex MS. codice peruetusto S. Vdalrici.*

XLVII. Cæterum si tam probata & commendata, tamque frequens post S. I O S E P H ac D E I P A R A M coniugem eius ex omni hominum gradu ac statu continentia coniugum copia est; quanta vel hinc quoque quàm multiplex eorum tanquam horum omnium Ducum ac Principum gloria? Dum Deiparam Virginem feminarum, S. I O S E P H verò virorum; immò vtrumque sine diuisione, generosi isti

fodant totam numeroli greges si non assequuntur, imitantur tamen  
 ac siue perpetuâ, siue etiam de cætero constante continencia sequi  
 contendunt. Nimirum adducentur quoque post S. IOSEPH Virgines,  
 continentique Coniuges, Comites, Duces, Principes, Reges, Impe-  
 ratores atque in eius imitatione discipulatu ac clientelâ proximi eius  
 offerentur Regi Domino in lætitiâ & exultatione sequuntur eum Re-  
 ges ac Reginae eique, vel à longè ad stare gaudent, celeberrimi  
 potentissimi, gloriosissimi que Monarchæ  
 ac Principes terre.




# EMBLEMA IV.

S. IOSEPH obitus.



Dum pius amplexus, dum diuidis vltima, Ioseph,  
Oscula; dum reddunt Sponsa Puerq; tibi:  
Dic, inter sic astra mices coelestia, vita  
Qualis erat, cum tam dulce in amore mori est?

**CAPVT**



## C A P V T IX.

S. IOSEPH Obitus, & B. Virginis planctus  
& mæror super eo.

## I.

**D**E obitu quidem eius nihil Euangelium expressit, sed, si talis mors, qualis vita, si pretiosa in conspectu Domini mors Sanctorum eius; &, beati qui in Domino moriuntur : quam sancti sanctorum custodis ac nutritij pretiosa mors. Qui & in Domino, & presente Domino, Deiparaq; Virgine suâ sanctissimâ Coniuge, defunctus est. Fuisse defunctum ante CHRISTI passionem tradit S. Epiphanius & Oecumenius. Nam alioqui neq; S. Ioanni Apostolo, sed B. IOSEPH, si superstes fuisset, Marrem suam CHRISTVS Dominus morti vicinus commendasset, aut vt conjugem satis ipsi commendatam supposuisset.

II. Verò similis autem est, B. IOSEPH non statim post annum CHRISTI duodecimum, aut demùm post eius passionem : sed inter baptismum CHRISTI, & nuptias in Canâ Galilææ feliciter in Domino obiisse, cùm etiam nec in nuptijs, nec in historiâ passionis, aut postea vsquam eius mentio fiat. Satis autem constat CHRISTVM Dominum beatamque Virginem B. IOSEPH Ministerio laboreque vsque ad CHRISTI prædicationem eguisse, ac tum aliam viuendi rationem, circa paupertatem præcipuè CHRISTVM instituisse, quando & apertius manifestare cæpit, se non esse filium IOSEPH. sed verum Deum ac hominem redemptorem nostrum non ex viro, sed de solâ Virgine, Spiritus sancti gratiâ obumbrante, conceptum ac natum.

III. Postea in obitu S. IOSEPH dilectissimi, & castissimi Sponsi sui grauissimè dolebat ac tristabatur, cùm & conjugij, inconsummati licet ac Virginei, amorisq; diuiniq; vinculo vna velut persona essent IOSEPH & MARIA, quando quidem & in matrimonio inconsummato vir potestatem sui corporis non habeat, sed mulier : & è contra vt proinde & in conjugio quoq; in consummato conjugis vnus caro sit iure coniugij caro alterius, adeoq; amborum conjugum eodem iure caro vna : propterea inquam, in Sponsi sui dilectissimi sublatione Virgo mæstissima ingemiscebat atq; ita dum beati IOSEPH anima sanctis-

*ſima* morte ſublata eſt, mutuum pariter corporum eorum jus domini-  
umque conſenſu mutuo initum diſſoluebatur, & caro à carne, coniunx  
à conjugē ſeparabatur: Vnde & grauiffimus eius luctus, ac in eo qui-  
dem etiam beatiffimi Sponſi ſui honos maximus.

IV. Quare dolore mæroreq; ſummo perſuſa: Suſtulit mors im-  
proba, inquietabat, protectorem, nutritium, ducem, cuſtodem; Virgi-  
nitatis meæ teſtem & aſſertorem, vmbraſculum, honorem & coronam  
meam, conjugem, vnicumq; poſt filium ſolatum meum: ſine quo &  
adulterij iniurioſam calumniam, & mortis etiam legalem pœnam  
ipſam innocens incurriſſem, cui & ipſam centies debeo vitam meam;  
qui me protegens ſe negligebat, mihi pacens ſe impendebat, ac ſuper-  
impendebat, me ſouens, æſtus, imbres, frigora,, ſitim, famemq; cæ-  
terasq; incommoditates ac labores omnes, vt in nullo ſi fieri potuiſſet,  
incommodarer, ſuſcipiebat. Totus meus ipſe, meusq; potiùs quàm ſuus  
erat. Non jure tantùm meus, ſed & eius meoque in diuiſo affectu  
ſemper meus; meus jure, meus in affectu, meus ſtudioſiſſimo quouis  
obſequio, meus mihi, meus inter omnia mea, dempto filio meo,  
mihi commendatiſſimus, chariſſimus, intimus: neque à me tam diuer-  
ſus, quàm mecum ſemper vnus, qui vt Virgineo cæleſtiq; puriſſimo  
ita & artiſſimo conjugalis amoris vinculo, ſpretis omnibus, vna am-  
borum Virgineâ conjugali integritate, vnoq; Spiritu, mihi ſemper ad-  
hærebat. Meus, in omni vitæ ratione mihi ſimiliſſimus, ad omneſq; vſus  
& neceſſitates meas filijq; mei, mihi aptiſſimus ac propriiſſimus. Meus  
mihi cum filio meo totus, mihiq; omnimodè magis meus, quàm ſibi  
ipſi ſuus; imò præ noſtri curâ & ſollicitudine non ſuus, ſed totus  
ſemper noſter. Meus diuinâ ab æterno præordinatione: Meus in  
conjugio temporali diuinâ impertitione: Meus per totos triginta annos  
indiuiduâ Angelicâ vitæ ſocietate, nec vllâ vnquam vel minimâ diſ-  
iunctione alienus: Meus inter vnica duo mea mihi vnus. Dilectus  
enim meus mihi, filius meus, qui paſcitur inter lilia: dilectus & meus  
mihi ſponſus meus, in cuius & meo Virgineo ſingulari candore paſtus  
deliciatusque eſt filius meus. Facundæ Virginitatis meæ fructus, di-  
lectus meus mihi filius meus: eius verò meumque poſt Spiritum ſan-  
ctum, eius vice vmbraſculum Sponſus meus.

V. Ac ne furto quidem vel clanculum, ſed velut rapinâ, me præ-  
ſente, à morte immiſericorde inflexibilique, mihi Sponſus meus ſubla-  
tus eſt,

eus est, ut mortis eius funerisque eius administra esse debuerim, qui solationum meorum, vitæque ipsius mihi administer semper fuit. Eum dolentem, agonizantem, expirantem videre, eiusque oculos claudere me oportuit, qui me semper, consolatus est, animauit, recreauit, gaudium, leuamen, fulcimentum, lumen ipsum oculorum meorum.

VI. Sublatus est Sponsus meus mihi, quando & passionis filij mei tempestates, fulmina, tonitrua, horribilesque tribulationum omnium inundationes, eo vel maximè indigebam, ut quod deinceps, filio meo captiuato crucique alligato, refugium mihi futurum sit, non videam.

VII. *Lampades eius lampades ignis atq; flammarum: aquæ multæ non potuerunt extinguere charitatem eius, nec flumina obruerunt illam.* Non enim vteri mei apparentia: non Herodis persecutio sæuissima, non in Ægyptum fuga molestissima, non exilium durissimū, non Archelai in reuersione nostra metus grauissimus, non Iudæorum irrisiones & calumniæ: non fames, non sitis vlla per Ægypti desertam, non ab hospitio in Bethleem ciuitate nostrâ exclusio, non labores, non sudores, non sollicitudo continua, neq; mortis ipsius vlla pericula, vel angustia vlla quantumuis grauissima, charitatem eius vel imminuere vnquam potuerunt.

VIII. Quis enim alius in terris suscepit nos? Quis alius protexit nos? Quis alius nutriuit, vestiuit, conduxit, saluauit nos? Vidi autem post vniuersa hæc plusquam conjugalia paternaq; officia, dolores eius incurabiles, & percussa sum, vidi mortis mucronem, & vulnerata sum, ac tandem sponso meo viduata sum. Vnico tamen me recreante solatio, quòd non sibi, sed mihi soli sponsus meus sublatus sit: tulerunt eum custodes animarum & corporum, Astiterunt agro, morientiq; Angeli Dei, qui & viuenti crebris apparitionibus familiares ei fuerant: mortem, funus, sepulturamq; eius præsentia ac ministerio suo honorarunt, & cum animam eius sanctissimam ad SS. Patrum, requie speq; beatum consortium susceperunt: non eum vtiq; ipsi, sed mihi soli sustulerunt. Susceperunt eum in locum quietis, certæq; spei beatitudinis Angeli Dei, ad quorum monitum nocte consurgens Dominum eorum matremq; eius in Ægyptum à facie furentis Herodis nos curans, se negligens contulerat. Tulerunt eum Angeli custodes, non vnus, sed plures, qui Angelus noster custos totâ vitâ suâ in omnibus & vbiq; fuit, demumq; die Ascensionis filij mei, in cælum eum assumpserunt,

**IX.** Verumtamen & in ministris suis Angelis, & in matre sua divinitatis suæ specialioribus præsentia favoribus, CHRISTVM ei adfuisse, vt beatissimè in Domino moreretur, neq; ex CHRISTI corporali absentia quidquam ei gratia decederet, dubium non est. Solabantur vehementer hæc omnia circa morientem sponsum suum matrem Virginem diuini fauoris beneficia, ad quæ etiam, iuxta diuinum decretum totam se referebat. Dolebat equidem vehementer gratissima, officiosissima, piissimaq; Virgo, pedes illos, vlnas illas, sinum illum, qui Dei filium post vteri sui thalamum virgineum bajularant, nutrierant, patre neq; confouerant, sub terrâ delitescere. Dolebat vehementer oculos illos piissimos, quæ eis prospexerant, proq; eorum quibuscumque necessitatibus insomnes plurimum fuerant, sub pulvere extinctos. Dolebat deniq; sponsi sui Corpus sanctissimum laboribus, sudoribusq; pro eis perpetuò prægauratum, quoddq; in eorum senectute, vitæ Angelicæ organum dignissimum fuerat, exanime diutius permanere.

**X.** Passo verò ac resurgente CHRISTO : *Multa corpora Sanctorum quæ dormierant, surrexerunt, & exeuntes de monumentis post resurrectionem eius venerunt in sanctam ciuitatem, & apparuerunt multis.* A quorum numero non est, cui **B. IOSEPH** excludamus: immò cum animæ, tum corporis eius imminens integritas ac sanctitas, tum in CHRISTVM Matremq; eius singularia merita, tum Saluatoris in nutritium filialis pietas, Virginisq; gloriæ eius conjugalis affectus ac desiderium id de illo potius, quàm de Sanctorum vllò alio, faciliè persuadet. Illos autem non ad mortalem, sed ad immortalem vitam cum CHRISTO resurrexisse, vt communior, ita sacro textui conformior est sensus; nam nec communiter cum alijs conuersati fuisse aut conuixisse dicuntur, sed multis tantùm, vt de CHRISTO etiam legitur, apparuisse. Ac insuper extrà communioem CHRISTO resurgente præstitam hic gratiam, particularius tale privilegium predictis eius meritis satis congruebat. Vt non mirum proinde sit quòd Corporis aut Reliquiarum corporis eius nullum in terris super sit vestigium, cum alioqui nec **S. Præcursoris**, nec **B. Annæ**, neq; Apostolorum in honoratas reliquias Deus voluerit.




# EMBLEMA V.

## S. IOSEPHI PATROCINIVM.



Quam Parca, quam fata premunt, huc curre caterua,  
IOSEPHI auxilium dextra patrona feret.  
Ne dubites : olim mundi tulit illa Salutem,  
Hâc dabitur mundo nunc quoq; certa Salus.



## CAPUT X.

## Tituli honorum S. IOSEPH.

## I.

**M**irari solent pleriq; tam pauca de S. IOSEPH, vti & de Virgine DEIPARA eius Coniugē, Euangelicam historiam reculisse, vepote natiuitatis, vitæ, dignitatis, gloriaq; eius, obiter admodum, aut condignâ saltem aliquâ vix vt apparet, factâ mentione. Verum, re propius perspectâ mirandum jure potius videtur, tam paucis, quæ expressa sunt, adeo multa, sublimiaq;, de sanctissimo quoq; IOSEPH in Evangelio contineri.

II. In primis, ex maximis, sanctissimisq; Patriarchis ac Regibus, natiuitas eius & origo, tantaq; pariter diuinitus ei dignitas contributa, vt Saluatoris genealogia per eum describatur, in eoq; concludatur. Quorsum autem Davidis patris eius nomen tam crebrò cum ab Euangelistis, tum ab Angelis ei apponitur, nisi vt spectatissima eius cum regia nobilitate nobis sanctitas commendetur, illustriorq; ac celebrior apud omnes, quibus rex David est notus, reddatur. Hinc noster D. Bernardus Hom. 2. *supermissus est*, vbi S. IOSEPH laudes interferit: *Huc accedit, (inquit,) quod dicitur fuisse de domo David, Verè enim de domo David, verè de regiâ stirpe descendit vir iste IOSEPH, nobilis genere, mente nobilior. Planè filius David, nec degenerans à patre suo David: Prorsus (inquam) filius David non tantum carne, sed fide, sed sanctitate, sed deuotione, quem tanquam alterum David, Dominus inuenit secundum cor suum, cui tulâ committeret secretissimum atq; sacratissimum sui cordis arcanum; cui tanquam alteri David incerta & occulta sapientie sue manifestauit, & dedit illi non ignarum esse mysterij, quod nemo Principum huius saculi cognouit. Cui deniq; datum est, quod multi Reges & Prophete cum vellent videre, non viderunt, audire non audierant, non solum videre & audire, sed etiam portare, deducere, amplecti, deosculari, & nutrire.* Ita Bernardus,

III. Quid verò in laudum IOSEPH materiâ profundius aut sublimius dici potuisset, ab Euangelistâ, quàm cum eum vocat: *Virum MARIE*, de qua natus est IESVS, qui vocatur CHRISTVS. *Quia*  
*per vir*

*si vir est MARIÆ, est & Pater Domini, inquit noster Abbas Rupertus: Et paulò post: Non solum autem Evangelista IOSEPHVM virum MARIÆ protulit, verum etiam prior Angelus, quod aequipollens est, MARIAM IOSEPH coniugem enuntiauit. IOSEPH (inquiens) noli timere accipere MARIAM Coniugem tuam. Et continuo: O coniugium tuum, ait, verum & sanctum! O Coniugium celeste non terrenum! quomodo enim, vel in quo coniugari fuerunt? nimirum in eo, quod unus Spiritus, & una fides erat in eis; sola illie desijt corruptio carnis.*

IV. Quin & idem Rupertus adeò hinc S. IOSEPH extollit, vt cum sacer Iacobus mysterium ad CHRISTI, genealogiam in eo terminatam refert, cum supremum cui Deus innixus videbatur, gradum faciat, Scalabac, inquit, ista est generatio IESV CHRISTI, & latera scale, summi Patres, vel Principes sunt huius generationis, Abraham, atq; David, ad quos promissio est cum decremento eius, qui repromisit. Supremus scale gradus, cui Dominus innixus est, iste est B. IOSEPH vir MARIÆ, de quâ IESVS, qui vocatur CHRISTVS, natus est. Quomodo iste Deus & Dominus huic innixus est? utiq; tanquam tutori pupillæ: quippe qui in hoc mundo sine Patre natus est, ita innixus est huic B. IOSEPH, ut esset infantulo isti Pater optimus, vt huius solatio paterno cum Virgine puerperâ sustentarentur. Hæc Rupertus.

V. Quid igitur & nos vel hinc magnâ probabilitate inferre iudicareq; prohibeat, B. IOSEPH sicut loco ac dignitate, ita etiam sanctitate, gloriæq; celsitudine in hac CHRISTI genealogiâ fastigium tenere, vt quis in serie istâ in Abraham plantatâ Patriarcharum, ad cælum CHRISTVMQ; ipsum, vsque pertingit ab ipsis pariter omnibus vt CHRISTO vicinissimus, vt vir, inquam MARIÆ, Saluatorisq; filij eius nutritis ac Pater, suspiciatur eorumque cultum atque summas prædicetur? Ita planè, non est qui indignetur, non est qui contradicat, vota sunt hinc, communia, vt vir MARIÆ, vt Saluatoris Pater, Patriarchum fastigium vertexque habendus sit ac prædicandus B. IOSEPH.

VI. Porro iustum vocat Matthæus IOSEPHVM, non ob vnam illam virtutem, quæ auaritiæ contraria est, & reddit vnicuique quod suum est, sed ob absolutam omnibus numeris probitatem, siue & virtutum omnium perfectam in eo complexionem. Si autem ita iustus, probus ita perfectus S. IOSEPH fuit: Si ab omnis virtutis absoluta perfe-

perfectiōne, ita vniuersim eum laudat, laudandumquē proponit Spiritus sanctus: ad laudum eius cumulum, quid vltius inquiri, quid uē dici ampliūs, aut desiderari possit? Hinc superexcellsa continuō, completā huius in omni virtute iustitiæ congrua præmia, diuinæque solatia: Vt Angelicā apparitione mox fruatur ac honoretur, vt filius Dauidis ab Angelo nominetur, vt de incarnationis filij Dei toto myste-  
rio instruat, vt Deipara Virgo Angelorum hominumque Regina intimiūs ei commendetur. Ac denique vt augustissimum diuinissimumque nomen IESV ei reueletur, suoque tempore imponendum comittatur. Sic enim, *IOSEPH fili Dauid*, inquit ei apparet Angelus, *noli timere accipere MARIA M Coniugem tuam, quod enim in eā natum est, de Spiritu sancto est. Pariet autem filium, & vocabis nomen eius IESVM ipse enim saluum faciet populum suum a peccatis eorum.* Quid his alloquijs, solatijs, & præmijs suauius, augustius mirabilius? Cui enim Patriarcharum, Prophetarum, Apostolorum, aut Angelorum etiam, talia vnquam dicta, vel commissa sunt.

VII. Fuit itaq; IOSEPH, velut Patrinus de cælo nominatus, vt ei in circumcisiōis Sacramento nomen IESV imponeret, quodq; (juxta non paucorum saltem sententiam) circumcisiōis ipsius minister extiterit. Nam & primum parentem nostrum, inde quod animantibus omnibus, juxta eorum naturas, proprietatesq; nomina imposuerit, æstimatum nouimus & Dominus ipse, quod stellis omnibus nomina vocet, sapientiam ac potestatem suam, Psalmistæ voce nobis inde proponit. Verūm, animantibus, stellisq; omnibus, quantò eorum conditor, cui IOSEPH nomen imponit, excelsior? quantoq; nominibus eorum vniuersis, inter omnia etiam Dei nomina nobilissimum nomen IESV augustius, coram quo sese inflectit, ac in genua procumbit omnis Spiritus?

VIII. Præordinauerat insuper Dominus ab æterno Sanctum IOSEPH, ad virgineum hoc cælesteq; conjugium, vt & Virginis Matris Conjux, & filij eius Virginum Sponsi nutritius esset. Hanc igitur etiam ei, vt Virgo semper permaneret, gratiam Deum contulisse omnino credendum est. Hinc & omnem concupiscentiæ motum extinctum fuisse, vt cum sanctissimā pulcherrimāq; diuinā hac Virgine, absq; omni impuritatis tentatione habitaret, asserit Gerson Cancellarius

rius Parisiensis; nec desunt, qui eum quoq; instar Ioannis Baptista in utero matris sanctificatum fuisse credendum velint.

**IX.** Apostolica tandem doctrina est, mercedem vnumquemq; recepturum secundum proprium laborem: attentis videlicet, vt Theologi docunt, objecti laborum dignitate, charitatisq; proportionem. Cum itaq; & IOSEPHI labores quàm maximos, & objecti eorum, Deipara nimirum, Filijq; Dei dignitatem incomparabilem: neq; impari vtiq; charitatem eius agnoscamus: quid superest, nisi vt gloriam eius in cælis quàm maximam, celsissimamq; credamus; ac in terris pariter tot tantisque istis debitâ gratitudine titulis suspiciamus ac celebremus?

**X.** Portauit Saluatorem IOSEPH in manibus suis, scapulisq; suis obumbravit ei: Coronauit igitur manibus suis Saluator IOSEPHVM, & stolâ gloriæ suæ sibi vicinum circumtextit eum. Consignauit Spiritus sanctus sponsam suam, filiumq; eius de se conceptum, IOSEPHO. Consecratur igitur & nunc in vicino gloriæ throno MARIAE, Filioq; eius IOSEPH. Fuit S. IOSEPH Deipara, Filijq; eius, corde & opere, totâ vitâ passionum socius: est igitur & nunc consolationis ac gloriæ eorum eminenter consors in cælis.

**XI.** Expressit in se quàm perfectissimè B. IOSEPH Abrahæ eundem atq; obedientiam, ceterasq; Patriarcharum aliorum eminentes virtutes. Euexit igitur eum Deus ad gloriam magnam, magisq; semper magnificabit nomen eius: & benedicet benedicientibus ei, eruntq; benedicti: & maledicet maledicentibus ei, nec suæ tantæ impietatis maledictionem effugient.

**XII.** Benedixerunt S. IOSEPH Deus ipse & Angeli de cælo, Deipara Virgo, sacriq; Euangelistæ, & nobis ei benedicendi exemplum materiamq; maximam præbuerunt. Benedixerunt illi, eumq; contra inimicorum maledictiones propugnarunt Hieronymus, Augustinus, Chrysostomus, alij Ecclesiæ Patres ac Doctores; Theresia Virgo, alijq; præcipuâ pietate ac sanctitate fulgentes personæ, & benedictionum diuinarum amplam copiam consequi meruerunt.

**XIII.** Insuper ita benedixit ei Deus, vt in gentem magnam fecerit eum Christianorum videlicet non parua ratione Patriarcham & totius Ecclesiæ CHRIS TI communem protectorem, ac patronum. Morunt hæc req; ipsâ patratis diuinitus non in frequentibus miraculis didice-

didicerant B. Mater Theresia aliaq; quàm plurimæ illi deuotæ personæ; Nouit inter alios grauissimus Pater Benedictinus Monasterij B. Virg. montis Serrati, qui, vt refert Magister Gratianus Carmelita, cum F. IOSEPH deuotissimus esset, mysterium illud & labores, quæ cum CHRISTO Domino & Deiparâ in fugâ in Ægyptum pertulit, frequenter meditabatur, quem die quadam, in Monasterium suum redeuntem, cum in deserto quodam monte feris truculentis & grassantibus hominibus pleno, rectâ itineris viâ amissâ, obscura nox oppressisset, occurrit ei quidam homo iumentum agitans, cui Mulier pulcherrima paupulum gestans in brachijs infidebat, à quo religiosus ille rectam itineris viam edoceri postulauit: cui homo ille respondit, vt ambo simul pergerent, seq; probè iter illud nosse: & ecce cum de rebus diuinis colloquiū miscuissent, Monachus cor suum præ nimia dulcedine, deuotione & suauitate veluti discipuli illi, qui in Emmaus cum Domino euntes fabulabantur, intus ardere sensit, cumq; propè oppidum, quo redebatur, peruenissent, homo ille cum Muliere pulcherrimâ, speciosâq; præ filiis hominum puero disparuit, & deuotissimus ille religiosus quasi à somno excitatus ad seq; reuersus: nunc scio verè (inquietabat) sanctissimum I O S E P H B. V. sponsam eius, & puerum I E S V M, qui est via, Veritas & vita, mihi adfuisse, & viæ socios, consolatores & ductores extitisse, &c.


XIV. Agnouerunt & duo illi Franciscani religiosi, de quorum erga B. I O S E P H deuotione idem M. Gratianus ibidem, qui cum Flandriam versus nauigarent, & naui cum multis hominibus demersâ, ipsi tabellâ quadam arreptâ tribus integris diebus & noctibus S. Ioseph implorantes super maris vndas fluctuassent, die tertiâ super eadem tabellâ in medio eorum iuuenis eleganti formâ aspectuq; decorus apparuit, qui & dulciter & affabiliter eos salutauit, jam, jamq; viribus quasi deficientes bono animo esse iussit, ac de præsentis periculo liberauit, & ad eorum cum multâ gratiarum actione interpellationem, placido vultu se esse S. IOSEPH, respondit.

XV. Et Isolanus; Didicimus, inquit, à quopiam viro venerabili in inclytâ Venetorum Vrbe Italiæ nobilem virum quempiam consuetum per singulos dies ante Imaginem S. IOSEPH in Ecclesiâ nonnullus pariete pictam genua flectere, sanctumque IOSEPH precibus venerans; post longius obseruatam corde sincero & nobili talium

precum consuetudinem lecto decubuit graui morbo oppressus. Hic vidit vigilans sanis oculis sanaque mente S. IOSEPH instar præfatae imaginis cubiculum suum intrantem. Quo viso mirâ contritione suorum criminum affectus est. Illicò autem euocato confessore Sacerdote confessionem suorum criminum more Catholico peregit, sicque obdormiuit in Domino in præsentia S. IOSEPH ad superiores, ut piè creditur, inuitatus. Sic ille.

XVI. Certè recens est inter cætera, quod vir nobilis de *Hem* Dominus de *Miny* Audomaropoli sub initium mensis Maij anni 1628. moribundus aperuit Patri Capucino alijsque ei assistentibus conspectos sibi in morbi grauitate B. Virginem & B. IOSEPH cum S. Francisco diem horamque mortis sue ad tres dies sibi cum salutis indicio præinnotuisse, eamque cælestem dici & horæ mortis eius præmonitionem ita comprobata à se fuisse dictus pater & quidam alij testati sunt, cuius etiam testimonij certam copiam ipse excepi, inquit D. Matthias Naueus.

XVII. Honoratum voluit Saluator nutritium suum hisce variorum beneficiorum & alijs eiusmodi plurimis spectabilibus miraculis, ut multiformem eius ad specialia multa præfata, imò & omniformem ad omnis generis subsidia nostra potestatem magis magisque semper mundo propalaret.






EMBLEMA VI. & vltimum.  
S. IOSEPH peculiaris Patronus  
S. Theresiæ.



Dum rigat Hesperio Carmelum fonte Terefa,  
Gernina IOSEPHO læta iuuante virent.  
Hæc iuga debuerant sacri reuifcere Montis,  
Sub quâ flos campi creuerat antè manu.



## CAPVT XI.

## B. IOSEPH erga S. THERESIAM particularia beneficia.

## I.

**T**estatur Angelicus Doctor B. Thomas : *Quibusdam sanctis datum est in aliquibus specialibus causis præcipuè patrocinari, sicut S. Antonio ad ignem, at sanctissimo IOSEPH in omni necessitate & negotio concessum est opitulari, & omnes ad se piè confugientes defendere, fouere & paterno affectu prosequi. Et hoc ipsum est, quod expressè atque ex professo de ipso testatur, experca quidem loquens ab ipsaque Virgine Deiparâ interdum edocta B. Mater Terecia.*

Qui igitur aliquid à Deo vult obtinere, accipiat B. IOSEPH pro aduocato ante Virginem benedictam Sponsam suam, & Dominum IESVM apud Patrem calcstem, & omnia impetrabit. Vt per IOSEPH scilicet accedatur ad MARIAM conjugem eius, ac per MARIAM ad CHRISTVM eius filium, qui Deum Patrem suum ad eum rogatum, efficacem pro nobis interpellat. Vt ostendat inquam B. IOSEPH callos & dura, MARIA pectus & vbera, CHRISTVS Deo Patri latus & vulnera, quò repulsa esse non possit, vbi charitatis, pietatis ac iustitiæ tanta sunt insignia. Nam & in terris & in hac ipsa Virginis interpellatione per ipsam & cum ipsâ Virgine CHRISTVM Dominum B. IOSEPH rogabat. Mouebit nimirum Virginem charissimi jus pietasque conjugij, mouebit filium amantissimorum maximeque meritorum supplex parentum auctoritas, & pro suâ reuerentiâ exaudietur à Patre Filius.

II. Extant horum omnium testimonia exempla non pauca apud Scriptores. Verùm vnâ pro mille testem horum appello magnam illam Matrem Theresiam Carmelitane Religionis ad normam vitamque in terris Angelicam reduçtricem. Quoties Virgo hæc admiranda, parensque amplissima, in instituti suis primarijs & progressibus, in mortis periculis, necessitatibus, difficultatibusque omnibus ei vbi aliquando res desperata videbatur, huius sancti Patroni sui opem, directionem, consolationem, aliumq; opportunum fauorem omnem experta

experta est? quoties, quibusq; animi quadijs, modo etiam cum CHRI-  
STO Domino, caelestibus apparitionibus gaussa? ut hæc & similia  
multa historię vitę ipsius sextum, trigessimum tertium, & alia quę fu-  
süs legi possunt, capita testantur. Ipsa etiam eodem cum illo sexto  
protestante non recordari se, quidquam quod non obtinuit, ab eo un-  
quam petiisse, ac rursus ibidem.

III. *Mirabile est, inquit, quot quantisq; gratiarum ac subsidiorum  
beneficijs per hunc Sanctum me Deus dignatus sit, ex quantisq; cum anima,  
cum corporis periculis eripuerit. Videntur Sanctis alijs ad particularia be-  
reficia gratia speciales collatę, ac S. IOSEPH, ut ipsa in me, alijsq; multis  
deuotis esperionis experta loquor, ad cuiusvis generis auxilia efficaciter  
videatur innocari. Ut indicare vellet, inquit, Dominus videatur, se quem-  
admodum in terris ei subditus fuit, ita & in celis ad nutum in omnibus ei  
condescendere, ut sicut à Domino ipso, ita & à mortalibus omnibus propter  
ipsum ubiq; honoretur.*

IV. Quid? quod beata ipsa Virgo Deipara ei interdum  
eum ipso apparens, indicarit eius honorem magnopere sibi pla-  
cere, vehementerq; sibi commemoatum esse? Amplius, quod CHRIS-  
TUS ipse Dominus, ut primum instituti sūt Monasterium eius nomine  
nuncuparet, ei aliquando intimarit, atq; ut eius honorem per se, suos-  
que quantum posset, amplificare studeret, iniuixerit. Vnde & factum,  
ut ipsa non grata minüs atque obediens, quàm ei deuota, è sedecima  
Monasterijs, quę viuens extruenda curauit, tredecim eodem S. IO-  
SEPH nomine insignita, consecrata, munitaque voluerit. Hinc &  
ipsum Matris sanctissimę, suorumque in potentissimum æquę ac be-  
nignissimum Patronum hunc suum, tantus affectus, zelusque ut eo-  
rum votis, præconijs, ministerijs, morè ubique mundo vniuerso,  
magis magisque celebrari pergat. Ut quantum aliquando apud mundi  
amatores contemptus fuit, tantum nunc laudum eius multiplicatę  
celebritate magnificetur.

V. *Accepi, inquit prædicta S. Theresia, pro aduocato & Magistro  
gloriosum sanctum IOSEPH, & precibus eius valde me commendavi, clarę  
cognovi quod sanctus iste Pater & Dominus meus extraxerit me, cum ex  
necessitate ista, tum ex alijs maioribus circa honorem & salutem animę pe-  
riculis, ideoq; maioris meo bono, quam eum rogare scissem. Non memini,  
rem me illam ulq; modo eum rogasse, quam non adimpleuerit. Mirum est,  
quam magni gratijs per sanctum hunc Deus me affecerit, & è quantis cum  
corporis, tum animę periculis eripuerit.*

VI. Con-

VI. Conforme est, quod ex eius testimonio memorat Ribera, ubi agens de perfectiore eius conuersione & principijs eius & motiuis. *Acceptit. ait, has omnes gratias, aliasq; similes per intercessionem Domine nostræ, & beati S. IOSEPH. Et CHRISTVS Dominus, in reuelatione quadam ita illi indicauit, quam manu propria in chartâ separatâ scriptam reliquit his verbis: Intellexi valde me obligatam seruitio Domine nostræ & S. IOSEPH, quia cùm frequenter omnino infirmarer, per eorum preces sanitatem mihi Deus reddebat.*

VII. Prosequitur ipsa: Die assumptionis Domine nostræ in Monasterio vno Ordinis gloriosi S. Dominici considerabam numerum peccatorum, quæ alias in eâ domo confessæ fueram, malæque vitæ meæ decursus, cum magnus mihi raptus, quo fere extrâ me posita sum, contigit: ita vt confederim; immo mihi videor non potuisse videre & audire Missam: adeo vt scrupulus, de eo postea mihi fuerit. Et cùm sic essem, visa sum mihi videre magni me candoris magnæque claritatis veste indui. Et principio non videbam quis esset, qui me vestiebat, & deinde vidi versus dexteram Dominam nostram, & versus læuam, Patrem meum S. IOSEPH, qui tunicâ illâ me vestiebant: & datum est mihi intelligere quod jam à peccatis meis munda essem. Et vestitione perfectâ cum maximâ gloriâ & voluptate, videtur mihi B. Virgo manus meas continuò apprehendisse dixisseque magnopere mecam delectare seruiendo glorioso S. IOSEPH, vtque crederem id quod de Monasterio prætendebam, perficiendum, quodq; in eo Monasterio multum Domino nostro ipsisque duobus seruiretur, atque vt non timorem hoc vnquam dissoluendum, quamuis obedientia quam reddebam secundum gustum meum non esset, quia nos custodituri erant, & quoniam filius eius senobis adfuturum jam promiserat. Et quod in talis successus huius rei signum ipsa mihi istud iocale dabat. Et mihi collo meo torquem imposuisse videbatur auri pulcherrimi, in cuius extremitate cruxerat valoris maximi. Aurum istud & gemmæ istæ tantum ab hisce quæ apud nos sunt, differunt, vt non sit comparatio, quia pulchritudo eorum militum differt ab eo quod hic imaginari possumus. Neque intellectus assequi potest, ex quo toga ista esset, neque candorem quem Dominus nobis vult representatum, imaginari: ita vt quidquid infra hic est, pictum tantum carbonis, juxta modum

modum loquendi, mihi videatur. Pulchritudo quam vidi in Domina nostrâ, quamuis nullam figurarum in particulari, mente retinerem, *sed totum simul admodum faciei*; albo vestita erat maximo cum splendore, qui oculos non offendeabat, sed qui maximè suavis & graciosus erat. Non tam clarè vidi gloriosum S. I O S E P H, quanquam viderim quod esset in formâ visionum quas dixi, quæ non videntur. Cum Domina nostra sic mecum esset, mihi admodum iuuenis videbatur, & ego maximâ cum gloriâ & gaudio, imò maximo quod vnquam habuerim; & voluissem nunquam inde recedere. Videtur mihi eos in cælum magnâ cum Angelorum multitudine ascendentes videre, & mansi in magnâ solitudine, quamuis adeò consolata, eleuata & in oratione recollecta vt nec me mouere nec loqui possem. Mansi cum tantâ vehementiâ & impetuositate me exinanienti & consumendi pro Deo. Et totum sic actum est, idq; talibus cum effectibus, vt dubitare nunquam potuerim licet ad hoc niterer, quin res hæc à Deo esset.

VIII. In libro foundationum Sororum Carmelitanarum per eam conscripto, cap. 1. in quo tractatur quomodo primum Monasterium S. I O S E P H de Auila fundatum fuerit, ita inter cætera de Monasterij huius fundatione, de quâ valde perplexa erat, legitur; *Die quodam post sacram communionem mandauit mihi serio diuina Maiestas sua, vt opus susciperem, totiq; viribus procurarem, magnis me promissis de Monasterio complendo assecurans, quodq; ipsi fideliter in eo seruirem, mihi iniungens, vt nomine S. I O S E P H illud vocarem, qui ad vnâ portarum nos custodiret, & Domina nostra ad alteram, & quod I E S V S C H R I S T V S in medio nostri foret, quodq; Monasterium istud stella futurum esset, quæ splendorem magnum spargeret.* Et paucis interpositis; *Hæc locutio Domini nostri fuit istiusmodi, & visio ista cum magnis adeò effectis, vt quin ipse esset dubitare non possem.* De quo Monasterio fundando & B. I O S E P H nomine nuncupando agit etiam cap. 32. vitæ suæ. Vbi & C H R I S T V M Dominum non semel, sed pluries, cum difficultates multæ se obijcerent, eâ de re sibi locutum refert. Vnde factum, vt & alia Monasteria omnia, quæ viuens procurauit duobus exceptis, beati I O S E P H nomine insignita voluerit; videlicet Monasterium S. I O S E P H Auilæ in Hispaniâ; Monasterium Medinæ de Campo; Monasterium Malagoniense, Monasterium Toletarum, Monasterium Salmaticense; Monasterium Segeuiense, Monasterium Veaense, Mo-

I

nasterium

Monasterium Scvillanum, Monasterium Carauaquanum, Monasterium Nouauillanum, Monasterium Palencianum, Monasterium Burgosianum, Monasterium Granatense.

IX. Quamobrem & post eam juxta eius desiderium & exemplum Carmelitana Monasteria vt plurimum passimq;, imò & Ordinis Provincia integræ, inter quas Belgica, Patronali eius nomine honorari perseverant. Nam & in Prologo huius libri foundationum suarum ex obedientiâ ab eâ conscripti. Munus hoc ea scribendi se suscipere ac incipere profitebatur in nomine Domini cum aduocatione in suum auxilium gloriosæ Matris eius & gloriosi Patris sui, ac Domini S. IOSEPH, *Incipio, inquit, in nomine Domini in auxilium meum aduocans gloriosam Matrem eius, cuius quamuis indigna, habitum gesso, & gloriosum Patrem meum ac Dominum S. IOSEPH, in domo cuius sum.* Ad finem libri de viâ perfectionis, quem cum alijs quatuor libris, qui passim vario idiomate circumferuntur, diuino afflata Spiritu conscripsit, extant saluberrima eius ad suas religiosas Consilia, siue instructiones & admonitiones spirituales inter quas hæc vna sub finem eodem quo præcedentia faciens habetur his verbis: *Quamuis multos Sanctos pro Patronis & Aduocatis habeatis: Particularem tamen erga B. IOSEPH deuotionem habetote, qui à Deo multum obtinet.*

X. Qui à Deo, inquit, multum obtinet: vt intelligamus eam non ex particulari tantum aliquâ ratione vel affectu deuotionem erga B. IOSEPH religiosiis suis commendare, quemadmodum speciales Monasteriorum vel Ordinum Parroni vel Benefactores ijs specialiter commendari solent, sed ob patrocinijs eius apud Deum maiorem, ampliorem, communioremq; erga omnes, ac specialius erga deuoto clientes suos valorem.

XI. In professione beatæ Matris cum alijs aliquot Sanctimonialibus ad ciuitatem de Veias ad fundandum in eâ præfatum Monasterium sub inuocatione nominis S. IOSEPH magnum illis à B. IOSEPH in viâ præcipitijs directione præstitum est beneficium. Siquidem viâ regiâ penitus amissâ, & ad loca lapidibus complantata manifestis plena periculis inter montium altissima cacumina & vallium ad abyssum veluti descendendum prærupta peruenissent, metuq; grauissimo percellerentur, mox ad S. IOSEPH patrocinijs confugiendum B. Ma-

ter ju-

ter iudicauit, cùm & sine morâ à profundissimâ voragine humana vox quasi viri grandæui audita est, quæ vt ibi sisterent, præcipientes alioqui sine dubio omnes perituræ, ingeminauit. Ad huius ergò vocis monitum vltioremq; directionem si stant currus Aurigæ, & omnes pariter ad vnâ signatam partem, quæ quidem non minùs periculosa apparebat, iter pedetentem arripiunt, & cùm aurigæ post euasum ira miraculosè præcipitum, hominem illum conquirent nec inuenirent, monet B. Mater deuotione & lachrimarum profluuio perfusa ne frustra fatigentur: erat enim, inquebat, sanctissimus Pater meus IOSEPH, qui à periculis iminentibus nos liberauit, viam nostram direxit, & in tuto nos collocauit. *Ita P. Didacus de Ypes ex S. Hieron. familia Philippi Secundi Regis à confessionibus, & post Episcopus Tarraconensis lib. 2. cap. 27, Vita S. T.*

XI. Hinc igitur maxima B. IOSEPH cùm apud Deum patrociniandi auctoritas, tum erga pios clientes eius auxiliatrix benignitas abundè innotescit; præsertim cùm & singulares S. Matris gratias eximiamq; puritatem ac sanctitatem cum CHRISTI amore coniunctam, in patronalem eius specialem apud Deum gratiam, particularemq; in eam pro particulari eius in eum deuotione, fauorem ac beneuolentiam referendam ex ipsamet audiamus. Vt non mirum sit, cur tota per eam reformata Carmelitana religio sicut Matris suæ exemplo & præcepto patronum eum speciali deuotione veneratur: ita & in omnibus necessitatibus suis prouisorem ac nutritium suum eum reputet atq; experiat. Neq; verò dubium quoq; esse pntest, quin vicissim quemadmodum beata Virgo eius se honore magnoperè delectari protestata est, ita etiam & ipse erga Virginis Sponsæ suæ deuotos clientes valde ac specialiter afficiatur; adeò vt etiamnum non modò inter sese mutuò, verùm etiam respectu clientum suorum indiuisa maximo affectu coniuncti sint. Vt propterea qui sponsi fauore potius fuerit, de sponsæ amicitia confidere pariter debeat, & qui sponsam patronam habuerit, de sponsi conspirante fauore sibi persuadere possit.

XII. Cæterùm non fuit quidem antiquitùs dies eius in Ecclesiâ solemniter celebratus, propter eos scilicet hæreticos, qui vt notat Vbertinus naturalem eum CHRISTI patrem perhibebant: sed eâ nunc, ratione cessante, iuste meritoq; laudes eius solemniter solemnissq; semper celebrari, vt cernimus, ubiq; pergunt, non religionis

modò aut Ecclesiasticis personis cuiusvis gradus, sed ipsi etiam passim populis, ad eius templa, festaque mirà pietate ac deuotione confluentibus, atque conspirantibus, adeo vt populorum etiam pars potissima cum Ecclesiasticis pariter, diem eius, debita (vt meritò sibi persuadent) gratitudine, beneficiorumque eius religiosà præstolatione, vltro sanctificant, imò speciali quodam pietatis studio colant ac venerentur. Meritò inquam, iustissimeque sibi id persuadentibus omnibus, vt quem conditor ac redemptor noster filiali, vt patrem amantissimum, atque vt sponsum charissimum conjugali Virgo DEIPARA honore & amore prosecuti sunt; speciali etiam ac præcipuo quodam religionis cultu ipsi suscipiant ac celebrandum ducant.

XIII. Atque vtinam beatissima Mater THERESIA, hunc noui luminis & ardoris solem fulgentissimum citius nobis enubilasset, hunc nobis contra Herodianas aīasque persecutiones omnes proteclorem potentissimum citius commonstrasset, hunc nobis diuini amoris, Angelicæ puritatis, Christianæ mansuetudinis, aliarumque virtutum omnium exemplar præclarissimum citius exhibuisset, vt hunc, inquam, benignissimum, propensissimum, ac potentissimum mortalium incalis patronum, citius nobis proposuisset, vt tanta quæ nunc est, quæque maior semper futura est, sanctitatis ac patrociniorum eius gloria, citius lætificati fuisset.

XIV. Sed illam nimirum Virgo Angelica, Mater pientissima, CHRISTI amatrix feruentissima, Ecclesiæque eius columna firmissima illam gloriosi honoris prærogatiuam, communisque felicitatis gratiam amplissimam, in tua tibi tempora, nobisque per te omnibus Deus reseruarat, vt eum tibi, familiæque reformationis tuæ, in sanctitatis eius testimonium notamque fulgentissimam, instructiorem patronum ac tutelarem daret, ac per te præsertim, tuosque pariter gloriam eius, ampliùs quàm vnquam toto orbe propalaret. Titulus profectò ad mortales omnes tibi de tanto per te huius manifestationis beneficio eis præstito, vehementer obstringendos, vel sole sufficiens idemque maximus.

Atque vtinam & nos, ita CHRISTI Domini Genitricis eius hortatu ac iussu, atque Virginis huius sanctissimæ meritis & exemplis, eum honoremus, glorificemus, imitemur, inuocemus, atque omninò colamus, vt apud Dominum ac Filium eius Deum Iudicem nostrum, patronali paternoque eius fauore gaudere atque in Dei gratia vsq; ad contuendam eius gloriam in dies crescere possimus.





## EPILOGVS.

B.IOSEPH benedicunt omnes status.

**B**enedicite itaque IOSEPH & MARIÆ in Domino Virgines, quia virginitatis vestræ Duces patronique primarij existunt.

Benedicite IOSEPH & MARIÆ continentes castique conjuges, quia continentiae castitatisq; vestræ eminenens speculum vobis fuerunt.

Benedicite MARIA & IOSEPH Angeli Domini: quia ad sedium vestrarum repletionem statum vobis ac sororum in terris copiam prouiderunt.

Benedicite MARIÆ & IOSEPH Martyres Domini, quia pro CHRISTO laborare patique totâ vitâ suâ vobis commonstrarunt.

Benedicite MARIÆ & IOSEPH Doctores Domini: quia CHRISTVM fideiq; eius lumen corde, voce, & opere portare vobis ostenderunt.

Benedicite MARIÆ & IOSEPH Confessores Domini, quia vitæ pto CHRISTO munditiam ac sanctitatem docuerunt.

Benedicite MARIÆ & IOSEPH Sacerdotes Domini; quia sancta sanctè tractare vos instruxerunt.

Benedicite MARIÆ & IOSEPH Religiosi Domini: quia obedientiae, paupertatis, & castitatis vestræ typum ipsum vobis exhibuerunt.

Benedicite MARIÆ & IOSEPH familiarum parentes & rectores: quia sanctæ paternæ curæ: illustre exemplum vobis exhibuerunt.

Benedicite MARIÆ & IOSEPH Ecclesia triumphans Domini: quia triumphus tui auctori in terris adstiterunt, & in caelis adstunt.

Benedicite MARIÆ & IOSEPH in purgatorio laborans Ecclesia Domini: quia consolationis vestræ præsidium in caelo DEO representant.

Benedicite MARIÆ & IOSEPH militans in terris Ecclesia Domini: quia Salvatorem tuum tibi in terris protexerunt & saluarunt.

*R. P. Paulus de Barry S. I. in Alimenti pietatis erga S. Iosephum Cap. 6. valde commendat Litanias breues à quodam Ord. S. Benedicti ordine Alphabetico conscriptas.*

LITANIÆ  
Ad sanctum IOSEPHVM.

**K**Yrie eleison.  
Christe eleison.

Kyrie eleison.

Christe audi nos.

Christe exaudi nos.

Pater de cælis Deus, Misere nobis.

Fili Redemptor mundi Deus, Misere nobis.

Spiritus sancte Deus, Misere nobis.

S. Trinitas vnus Deus, Misere nobis.

Sancta MARIA Sponsa S. IOSEPH.

S. Ioseph Amator castitatis.

S. Ioseph Beatissime Beatorum.

S. Ioseph Confirme in gratiâ.

S. Ioseph Decus Sponsorum.

S. Ioseph Exul cum CHRISTO in Ægypto.

S. Ioseph Fili David.

S. Ioseph Gener Ioachim & Annæ.

S. Ioseph Hospes Verbi Incarnati.

S. Ioseph Iustificatus in utero matris.

S. Ioseph Lumen opificum.

S. Ioseph Minister Circumcisionis CHRISTI.

S. Ioseph Nutricie pueri IESV.

S. Ioseph Obiens inter brachia CHRISTI.

S. Ioseph Pater IESV CHRISTI.

S. Ioseph Quærens IESVM in templo.

S. Ioseph Resurgens cum Redemptore.

S. Ioseph Sponse B. Virginis.

S. Ioseph Tutor Filij DEI.

S. Ioseph Virgo Pater.

Agnus DEI qui tollis peccata mundi, Parce nobis Domine.

Agnus DEI, qui tollis peccata mundi, Exaudi nos Domine.

Agnus DEI, qui tollis peccata mundi, Misere nobis.

*Vers. Ora pro nobis S. IOSEPH.*

*Resp. Ut digni efficiamus promissionibus CHRISTI.*

OREMVS.

Ora pro nobis.

**S**anctissimæ Genitricis tuæ Sponsi, quæsumus Domine, meritis ad-  
juuemur, ut quod possibilitas nostra non obtinet, eius nobis inter-  
cessione donetur. Qui vivis & regnas cum Deo Patre in unitate Spiri-  
tus sancti Deus. Per omnia sæcula sæculorum. Amen.

# I N D E X.

Dedicatio.

## EMBLEMA I. S. IOSEPH vir. MARIAE.

- CAPVT I. S. IOSEPH Patria, Genealogia, & Cognati. 1.  
CAP. II. S. Iosephum Fabrum lignarium fuisse. 3.  
CAP. III. S. Ioseph B. MARIA desponsatur: Item de Añulo eiusd. 4.  
CAP. IV. S. Ioseph perplexisus. 7.

## EMBLEMA II. S. Ioseph Pater Christi.

- CAP. V. Qui S. Ioseph habet fauentem, habet cum eo CHRISTVM  
& Virginem. 9.  
CAP. VI. B. Ioseph. cum Christo & Virgine in Ægyptum exilium. 11.

## EMBLEMA III. S. Ioseph vita religiosa.

- CAP. VII. S. Ioseph inter operas fabriles vita religiosa. 16.  
CAP. VIII. Gloria S. Ioseph ex ipsius & eum imitantium Coniugali  
continentiâ. 24.

## EMBLEMA IV. S. Ioseph obitus, & B. V. plan- ctus & mæror super eo.

- CAP. IX. S. Ioseph. obitus. 33.

## EMBLEMA V. S. Ioseph Patrocinium.

- CAP. X. Tituli honorum S. Ioseph. 41.

## EMBLEMA VI. & vltimum S. Ioseph peculiaris S. Terefiæ Patronus.

- CAP. XI. S. Ioseph erga B. Terefiam particularia beneficia. | 48.

## Epilogus.

- B. Ioseph benedicunt omnes status. 57.





